

四庫全書

集部

欽定四庫全書

李太白集注卷十

錢塘 王琦 撰

古近體詩共二十四首

秋日鍊藥院鑷白髮贈元六兄林宗

韻會鑷箱也音與涅同

木落識歲秋，瓶冰知天寒。
桂枝日已綠，拂雪凌雲端。
弱齡接光景，矯翼攀鴻鸞。
投分三十載，榮枯同所歡。
長吁望青雲，鑷白坐相看。
秋顏入曉鏡，壯髮凋危冠。
窮與鮑

生賈飢從漂母餐時來極

胡本作拯

天人道在豈吟嘆樂毅

方

蕭本作豈

適趙蘇秦初說韓卷舒固在我何事空摧殘

淮南

子見一葉落而知歲之將暮觀瓶中之冰而知天下之寒陶潛詩弱齡寄事外潘岳詩投分寄石友李善註阮瑀爲魏武與劉備書曰披懷解帶投分寄意分猶志也莊子去其危冠楊縉詩壯髮危冠下七首地圖中史記管仲曰吾始困時嘗與鮑叔賈分財利多自與鮑叔不以我爲貪知我貧也史記燕昭王問伐齊之事樂毅對曰齊霸國之餘業也地大人衆未易獨攻也王必欲伐之莫如與趙及楚魏於是使樂毅約趙惠文王別使連楚魏令趙嚮秦以伐齊之利諸侯害齊湣王之驕暴皆爭合從與燕伐齊燕昭王悉起兵使樂毅爲上將軍趙惠文王以相國印授樂毅樂毅於是并護趙楚韓魏燕之兵以伐齊破之濟西按史記蘇秦列傳其游說六國

先說燕文侯二說趙肅侯三說韓宣惠王四說魏襄王
五說齊宣王六說楚威王今引樂毅適趙蘇秦說韓二
事皆言功業
未成就之意

書情贈蔡舍人雄

嘗高謝太傅

一作嘗聞謝安石

攜妓東山門楚舞醉碧雲吳歌

斷清猿暫因蒼生起談笑安黎元余亦愛此人丹霄冀

飛翻遭逢聖明主敢進興亡言

緣本下多蛾眉積
讒妒魚目嗤璵璠

白壁

竟何辜

一作本無瑕

青蠅遂成冤一朝去京國十載客梁園

猛犬吠九關殺人憤精魂皇穹雪冤

繆本作天

枉白日開昏

氛繆本作
氛昏

泰階得夔龍桃李滿中原倒海索明月凌山採

芳蓀媿無橫草功虛負雨露恩跡謝雲臺閣心隨天馬

轅

蕭本作鞍
出既與人同樂

世說謝安在東山畜妓簡文曰安石必
不得不與人同憂劉孝標註宋明帝

文章志曰安縱心事外疎畧常節每畜女妓攜持游肆
蒼生事已見七卷註封禪書以浸黎元呂延濟註黎元
百姓也王粲詩苟非鴻鵬孰能飛翻范雲詩遭逢聖明
后来棲桐樹枝王僧達詩聊訊興亡言陳子昂詩青蠅
一相點白壁遂成冤梁園梁地也在唐爲汴州今爲開
封府其地有漢梁王之園太白在天寶中游梁最久故
詩中屢以梁園爲言宋玉九辯豈不鬱陶而思君兮君
之門以九重猛犬狺狺而迎吠兮闔梁閭而不通招魂
虎豹九關啄害下人謝靈運詩盛明盪氛昏孟康漢書
註泰階三台也每台二星凡六星晉書三台三公之位

也在人曰三公在天曰三台文心彫龍倒海探珠謝靈
運詩浥露馥芳蓀江總詩徐步採芳蓀漢書終軍傳軍
無橫草之功顏師古註言行草中使草偃臥故云橫草
也後漢書臣願與坐雲臺之下考試圖國之道又樊噲
與光武少游舊建武初徵爲侍御史遷河東都尉引見
雲臺玉海五行志雲臺周家所造圖書術籍珍玩寶怪
所藏東京賦南則前殿雲臺洛陽記雲臺高閣十四間
高誘淮南子註臺高際於雲故曰雲臺跡謝雲臺閣心
隨天馬轅卽身在江
湖心存魏闕之意 夫子王佐才而今復誰論曾颺振

六翮不日思騰騫我縱五湖棹烟濤恣崩奔夢釣子陵

湍英風

絳本作氛

緬猶存徒

蕭本作彼

希客星隱弱植不足援千

里一迴首萬里一長歌黃鶴不復來清風奈愁

蕭本作愁奈

何舟浮瀟湘月

一作江橫
羅剎石

山倒洞庭波投汨笑古人臨

濠得天和閒時田畝中搔背牧雞鵝別離解相訪應在

武陵多

漢書劉向稱董仲舒有王佐之才雖伊呂無以
加後漢書南陽何顓名知人見荀彧而異之曰

王佐才也層飈高風也古詩昔我同門友高舉振六翮
翮會翮鳥之勁羽也韓詩外傳鴻鵠一舉千里所恃者

六翮耳蓋鳥翅之勁者左右各六飛時全藉其力鍛其
六翮則不能飛矣說文騫飛貌國語越滅吳返至五湖

范蠡辭於王曰君王勉之臣不復入越國矣遂乘輕舟
以浮於五湖莫知其所終極謝靈運詩圻岸屢崩奔章
懷太子後漢書註顧野王輿地志曰桐廬縣南有嚴子
陵漁釣處今山邊有石上平可坐十人臨水名爲嚴陵
釣壇也廣韻緬遠也藝文類聚會稽典錄曰嚴遵字子
陵與世祖俱受業長安建武五年下詔徵遵設樂陽明

殿命宴會幕留宿遵以足荷上其夜客星犯天子宿明旦太史以聞上曰此無異也昨夜與嚴子陵俱臥耳左傳其君弱植孔穎達正義周禮謂草木爲植物植謂樹立君志弱不樹立也瀟湘洞庭見惜餘春賦註一統志秦望山在杭州府城南一十里山東南有羅剎石橫截江濤後更名鎮江石五代開平中爲潮沙所沒錢塘縣志浙江一名羅剎江取風濤險惡意江中有羅剎石風濤至此倍險唐郡守仲秋設祭迎潮於此史記屈原懷石自投汨羅以死應劭註汨水在羅故曰汨羅也史記索隱荊州記云長沙羅縣北帶汨水去縣四十里是原自沉處北岸有廟也楚辭章句汨水在長沙羅縣下注湘水中通典岳州湘陰縣北有汨水即屈原懷沙自沉之處俗謂之羅江莊子莊子與惠子游於濠梁之上莊子曰儵魚出游從容是魚樂也惠子曰子非魚安知魚之樂莊子曰子非我安知我不知魚之樂通典濠州鍾離縣有濠水即莊惠觀魚之處莊子若正汝形一汝視

天和將至淮南子交被天和食於地德唐時之武陵郡即朗州也屬山南東道騫音軒汨音覓

憶襄陽舊遊贈濟繆本下多馬少府巨唐時之襄陽郡即襄州也

屬山南東道濟陰郡即曹州也屬河南道

昔爲大堤客曾上山公樓開窓碧嶂滿拂鏡滄江流高

冠佩雄劍長揖韓荊州此地別夫子今來思舊遊朱顏

君未老白髮我先秋壯志恐蹉跎功名若雲浮一作有意未得

言懷賢若沉憂歸心結遠夢落日懸春愁空思羊叔子墮淚峴

山頭一作何時共攜手更醉峴山頭襄陽郡城外有大堤有峴山已見五卷註晉時山簡爲襄陽太守

山公樓是其遺跡今亡所在韻會嶂山之高險者增韻
山峰如屏障者韓荊州名朝宗開元中爲荊州長史太
白謁見長揖不拜詳見後與韓荊州書及魏顥李翰林
集序太平御覽荊州圖記曰羊叔子與鄒潤甫嘗登峴
山嘆曰自有宇宙便有此山由來賢達登此遠望如我
與卿者多矣皆湮沒無聞念此令人悲傷潤甫曰公德
冠四海道嗣前哲令聞今望必與此山俱傳若潤甫輩
當如公語耳後參佐爲立碑著故望處百姓每行望碑
莫不悲感杜預名爲
墮淚碑 嶂音帳

對雪獻從兄虞城宰

唐時宋州睢陽郡有虞城縣隸河南道

昨夜梁園裏

繆本作雪

弟寒兄不知庭前看玉樹腸斷憶連

枝

梁園已見七卷註玉樹雪中樹也蘇武詩况我連枝樹與子同一身

訪道安陵遇蓋寰

蕭本作還

爲予造真籙臨別留贈

唐時

德州平原郡有安陵縣隸河北道隋書道經者云其受道之法初受五千文籙次受三洞籙次受洞玄籙次受上清籙籙皆素書紀諸天曹官屬佐吏之名有多少又有諸符錯在其間文章詭怪世所不識受者必先潔齋然後齋金環一并諸贄幣以見於師師受其贄以籙授之仍剖金環各持其半云以爲約弟子得籙緘而佩之 寰音環

清水見白石仙人識青童安陵蓋夫子十歲與天通懸河與微言談論安可窮能令二千石撫背驚神聰揮毫贈新詩高價掩山東至今平原客感激慕清風學道北

海仙傳書藥珠宮丹田了玉闕白日思雲空爲我草真

錄天人慙妙工七元洞豁落八角輝星虹三災蕩穢穢

蛟龍翼微躬舉手謝天地虛無齊始終黃金滿

繆本作獻高

堂答荷難克充下笑世上士

繆本作事

沉魂北羅鄧昔日萬

乘墳今成一科蓬贈言若可重實此輕華嵩

古艷歌行語卿且勿

盼水清石自見太平廣記漢元壽二年八月己酉南岳

真人赤君西城王君及諸青童並從王母降於茅盈室

晉書郭象能清言太尉王衍每云聽象語如懸河瀉水

注而不竭漢書昔仲尼沒而微言絕顏師古註精微要

妙之言耳漢武帝內傳此元始天王在丹房之中所說

微言鮑照詩奇聲振朝邑高價服鄉村平原客謂平原

郡中賓客北海仙謂北海高天師如貴太白於齊州請高天師授道錄故蓋寰爲之書造真錄也西昇經遂偏歷九天上升上清白闕丹城藥珠宮梁丘子黃庭內景經註藥珠上清境宮闕名也真靈位業圖有太和殿寥陽殿藥珠宮黃庭外景經丹田之中精氣微梁丘子註臍下三寸是也黃庭內景經肺部之宮似華蓋下有童子坐玉闕梁丘子註玉闕者腎中白氣上與肺連也雲笈七籤太微黃書八卷素訣乃含於九天元母結文空胎歷歲數劫以成自然之章太皇中歲成洞真金真玉光八景飛經元始天王名之爲八景飛經廣生太真名之爲八素上經青真小童名之爲豁落七元隋書道經者云元始天尊所說之經亦稟元一之氣自然而有非所造爲亦與天尊常在不滅天地不壞則蘊而莫傳劫運若開其穴自見凡八字盡道體之奧謂之天書字方一丈八角垂芒光輝照耀驚心眩目雖諸天仙不能省視樓炭經天地有三災變一者火災變二者水災變三

者風災變法苑珠林二十小劫中間有小三災次第輪轉一疾疫災二刀兵災三飢饉災劉昭後漢書補璇璣者謂北極星也晉書天文志魁四星爲璇璣杓三星爲玉衡三災蕩穢謂斗神覆護三災不能爲害也王康琚詩與物齊終始李善註孫卿子曰生人之始也死人之終也顏延年詩美價難克充真誥羅鄴山在北方癸地山高二千六百里周圍三萬里其山下有洞天在山之中周圍一萬五千里其上其下並有鬼神宮室山上之六洞洞中有六宮輒周園千里是爲六天鬼神之宮也註云此即應是北酆鬼王決斷罪人住處白帖羅酆山之洞周一萬五千里名曰北帝死生之天皆鬼神所治五帝之宮考謫之府也荀子贈人以言重於金石珠玉

贈崔郎中宗之

崔祐甫齊昭公崔府君集序公嗣子宗之學通古訓詞高典冊才氣

聲華邁時獨步仕於開元中爲起居郎再爲尚書
禮部員外郎遷本司郎中時文國禮十年三入終
於右司郎中年位不充海內嘆息按唐書崔宗之
乃宰相日用之子襲封齊國公好學寬博有風檢
與李白杜甫
以文相知

胡鴈

一作鷹

拂海翼翱翔鳴素秋驚雲辭沙朔飄蕩迷河

洲

一作胡鷹度日邊兩龍天地有一作秋哀鳴沙塞寒風雪迷河洲乃

如飛蓬人去逐

一

一作去

萬里遊登高望浮雲彷彿如舊丘日從海旁沒水

向天邊流長嘯倚孤劍目極心悠悠歲晏歸去來富貴

安可

繆本作所

求仲尼七十說歷聘莫見收魯連逃千金珪

組豈可

一作不足

酬時哉苟不會草木爲我儔希君同攜手

長往南山幽

鮑照詩胡鴈已矯翼初學記梁元帝纂要曰秋曰素秋張華詩星火既夕忽焉素秋

李周翰註西方色白故曰素秋沙朔謂朔方沙漠之地薛道衡高祖文皇帝誄運天策於帷辰播神威於沙朔

北史洎乎有魏定鼎沙朔商子飛蓬遇飄風而行千里江淹詩渺然萬里遊鮑照詩復得還舊丘呂向註舊丘

舊里也楚辭目極千里兮傷春心詩國風悠悠我心楚辭歲既晏兮孰華予王逸註晏晚也淮南子孔子欲行

王道東西南北七十說而無所偶論衡孔子不能容於世周流遊說七十餘國未嘗得安魯連逃千金詳見二

卷註左思詩吾慕魯仲連談笑却秦軍功成恥受賞高節卓不羣臨組不肯綵對珪寧肯分

贈崔諮議

唐書百官志王府官有諮議參軍事一人正五品上掌訐謀議事

騷

蕭本
作綠

騷本天馬素非伏檻駒長嘶向

一作
起

清風倏忽

凌九區何言西北至却走

繆本
作是

東南隅世道有翻覆前

期

一作程
一作途

難預圖希君一

一作前
一作相

剪拂

一作
拂便

猶可騁中

衢

張衡南都賦騷騷齊鑣李善註騷騷駿馬名也穆天
子傳八駿有赤騷騷耳魏武帝詩老騷伏檻志在千

里楚辭招魂往來倏忽王逸註倏忽疾急貌史記初天
子發書易云神馬當從西北來庾肩吾詩渥水出騰駒

湘川實應圖來從西北道去逐東南隅九區剪拂俱見
三卷天馬歌註中衢猶中道也淮南子猶中衢而致尊

耶傳玄正都賦
灑奔駟於中衢

贈昇州王使君忠臣

唐書地理志江南道昇州江
寧郡至德二載以潤州之江

寧縣置上元二年廢太平寰宇記安祿山亂肅宗以金陵自古雄據之地時遭艱難不可縣統之因置昇州仍加節制實資鎮撫時方艱弊力難興造因舊縣宇以爲州城祿山平後復廢州依舊爲縣

六代帝王國三吳佳麗城賢人當重寄天子借高名巨

海一邊靜長江萬里清應須救趙策未肯棄侯羸

楊齊賢曰

唐昇州吳晉宋齊梁陳所都東極於海西帶長江湖三省通鑑註漢置吳郡吳分吳郡置吳興郡晉又分吳興丹陽置義興郡是爲三吳酈道元曰世謂吳郡吳興會稽爲三吳杜佑曰晉宋之間以吳郡吳興丹陽爲三吳謝朓詩江南佳麗地北史足下宿當重寄早預心膂侯羸事見三卷註

贈別從甥高五

魚目高太山不如一璵璠賢甥即明月聲價動天門能
成吾宅相不減魏陽元自顧寡籌畧功名安所存五木
思一擲如繩繫窮猿樞中駿馬空堂上醉人喧黃金久
已罄爲報故交恩聞君隴西行使我驚一作清心魂與爾

共飄颻雪天各飛翻江水流或卷此心難具論貧家羞

好客語拙覺辭繁三朝空錯莫對飯却慙冤自笑我非

夫生事多契闊積蓄

繹本作蓄積

萬古憤向誰得開豁天地

一浮雲此身乃毫末忽見無端倪太虛可包括去去何

足道臨歧空復愁肝膽不楚越山河亦衾幃雲龍若

蕭本

作相從明主會見收成功解相訪溪水桃花流

魚目魚之目睛

似珠者也明月珠夜光珠也俱見二卷註說文璵璠魯之寶玉孔子曰美哉璵璠遠而望之與若也近而視之瑟若也左傳陽虎將以璵璠斂杜預註璵璠美玉也晉書魏舒字陽元少孤爲外家甯氏所養甯氏起宅相宅者曰當出貴甥舒曰當爲外祖成此宅相三國志註江表傳曰公瑾文武籌畧萬人之英世說桓宣武與袁彥道携蒲袁彥道齒不合遂厲色擲去五木元革五木經携蒲古戲其投有五故白呼爲五木以木爲之因謂之木今則以牙角尚飾也演繁露古惟斷木爲子一具凡五子故名五木後世轉而用石用玉用象用骨故列子謂之投瓊律文謂之出玳世說窮猿奔林豈暇擇木唐隴右道有隴西郡按通典渭州禹貢曰導渭自鳥鼠同

穴即其地也春秋爲羗戎之居秦置隴西郡以居隴抵之西爲名唐爲渭州亦謂之隴西郡領襄武隴西渭源障四縣沈約詩短翮屢飛翻班固東都賦春王三朝章懷太子註三朝元日也謂歲之朝月之朝日之朝李善註三朝歲首朔日也然此詩所謂三朝即三日之義與東都賦所言不同鮑照詩今朝見我顏色衰意中錯莫與先異左傳成師以出聞敵強而退非夫也杜預註非丈夫也詩國風死生契闊毛傳云契闊勤苦也夏侯湛東方朔畫贊明濟開豁包含宏大莊子號物之數謂之萬人處一焉此其比萬物也不似毫末之在於馬體乎又云反覆終始不知端倪又曰自其異者視之肝膽楚越也自其同者視之萬物皆一也詩國風抱衾與裯毛傳曰衾被也裯禪被也鄭箋曰裯牀帳也孔穎達正義鄭既以衾爲被不宜復云禪被也漢世名帳爲裯蓋因於古故以爲牀帳漢水桃花用武陵桃花源事見二卷註

璵音余璠音煩幬音儔

贈裴司馬

按唐書百官志刺史之僚佐有司馬一人位在別駕長史之下上州者從五品

下中州者從五品上
下州者正六品上

翡翠黃金縷繡成歌舞衣若無雲間月誰可比光輝秀
色一如此多爲衆女譏君恩移昔愛失寵秋風歸愁苦
不窺鄰泣上流黃機天寒素手冷夜長燭復微十日不
滿匹鬢蓬亂若絲猶是可憐人容華世中稀向君發皓
齒顧我莫相違

古白頭吟暄如山上雪皎若雲間月宋玉登徒子好色賦此女登牆窺臣三年

至今未許也梁元帝詩綢緞流黃機李善文選註環濟要畧曰間色有五紺紅縹紫流黃也禮記正義皇氏云

正謂青赤黃白黑五方正色也不正謂五方間色綠紅
碧紫駢黃是也黃是中央正駢黃是中央間中央爲土
土克水水色黑故駢黃之色黃黑也駢
黃即流黃之義曹植詩誰爲發皓齒

敘舊贈江陽宰陸調

唐時淮南道之揚州有江陽縣

太伯讓天下仲雍揚波濤清風蕩萬古跡與星辰高開

吳食東溟陸氏世英髦多君秉古節

一作夫子特峻秀

岳立冠

人曹風流少年時京洛事遊遨腰間延陵劍玉帶明珠

袍我昔鬪雞徒連延五陵豪邀遮相組織呵嚇來煎熬

君開萬叢人鞍馬皆辟

繆本作闕

易告急清憲臺脫余北門

厄間宰江陽邑剪棘樹蘭芳

一本自腰間延陵劍以下作驂驪紅陽鸞玉劍明珠

袍一諾許他人千金雙錯刀滿堂青雲士望美期丹霄
我昔北門厄摧如一枝蒿有虎挾雞徒連延五陵豪邀
遮來組織呵嚇相煎熬君披萬人叢脫我如狴牢此恥
竟未刷且食綏山桃非天雨文章所祖託風騷蒼蓬老
壯髮長策未逢遭別君幾何時君無相思否鳴琴坐高
樓淥水淨窓牖政成聞雅頌人吏皆拱手投刃有餘地
迴車攝江陽錯雜非易理先威挫豪強下俱相同又繆
本特峻秀作時峻季狴牢作貌牢託風騷作記風騷

城門何肅穆五月飛秋霜好鳥集珍木高才列華堂時

從府中歸絲管儼成行但苦隔遠道無由共銜觴江北

荷花開江南楊梅鮮

繆本作熟又下多正好飲挂席候

海色

蕭本作
拾海月

乘

繹本作
作當

風

下長川多酤新豐醪滿載剡溪

船中途不遇人直到爾門前大笑同一醉取樂平生年

漢書周太王長子太伯次曰仲雍次曰公季公季有聖
子昌太王欲傳國焉太伯仲雍辭行採藥遂奔荆蠻公
季嗣位至昌爲西伯受命而王故孔子美而稱曰太伯
可謂至德也已矣三以天下讓民無得而稱焉太伯初
奔荆蠻荆蠻歸之號曰句吳太伯卒仲雍立至曾孫周
章而武王克殷因而封之陸機詩太伯導仁風仲雍揚
其波晉書激清風於萬古厲薄俗於當年鮑照詩誰令
乏古節張銑註古節古人高尚之節陸機詩吳實龍飛
劉亦岳立華陽國志谷口子真秉箕穎之操湛然岳立
謝靈運詩仲春喜遊遨新序延陵季子將西聘晉帶寶
劍以過徐君王僧孺詩落日映珠袍鬪雞徒詳見二卷
註五陵豪見五卷註漢紀邀遮前後危殆不測辟易見

二卷註潘正叔詩迴跡清憲臺李善註漢官儀曰御史
爲憲臺袁宏三國名臣贊思樹芳蘭剪除荆棘李善註
芳蘭以喻君子荆棘以喻小人晉書賀循歷試二城刑
政肅穆嵇康琴賦華堂曲宴張揖上林賦註梅楊其實
似穀子而有核其味酸出江南齊民要術楊梅臨海異
物志云其子大如彈丸正赤五月熟似梅味甜酸謝靈
運詩挂席拾海月洛神賦浮長川而忘反說文酤買酒
也新豐酒見四卷註廣韻醪美酒也剡溪船用王子猷
訪戴安道事詳見
九卷註 醪音錄

贈從孫義興宰銘

唐時常州晉陵郡有
義興縣屬江南東道

天子思茂宰天枝得英才朗然清秋月獨出映吳臺落
筆生綺繡操刀振風雷蠖屈雖百里鵬騫望三台退食

無外事琴堂向山開綠水寂以閒白雲有時來河陽富

奇藻彭澤縱名杯所恨不見之猶如仰昭回

謝朓詩茂宰深遐瞻

王僧孺文天枝峻密帝葉英芬操刀用子產語見九卷
註潘尼詩蠅屈固小往晉書三台六星兩兩而居起文
昌列抵太微一曰天柱三公之位也在人曰三公在天
曰三台主開德宣符也西近文昌二星曰上台爲司命
主壽次二星曰中台爲司中主宗室東二星曰下台爲
司祿主兵所以昭德塞違也詩國風退食自公楊齊賢
曰宓子賤爲單父宰彈琴不下堂而單父治故後世以
宰之室爲琴堂張協詩荒庭寂以閒山岫峭且深晉書
潘岳才名冠世出爲河陽令岳美姿儀辭藻絕麗尤善
爲哀誄之文盧照鄰詩知君振奇藻晉書陶潛爲鎮軍
建威參軍謂親朋曰聊欲弦歌以爲三徑之資可乎執
事者聞之以爲彭澤令在縣公田悉令種秫穀曰令吾

常醉於酒足矣詩大雅俾彼雲漢昭回於天朱傳曰雲漢天河也昭光也回轉也言其光隨天而轉也 騫音

軒

元惡昔

蕭本作皆

滔天疲人散幽草驚川無恬

蕭本作活鱗舉

邑罕遺老誓雪會稽恥將奔宛陵道亞相素所重投刀

應桑林獨坐傷激揚神融一開襟絃歌欣再理和樂醉

人心蠹政除害馬傾巢有歸禽壺漿候君來聚舞共

蕭本

若作謳吟農夫棄蓑笠蠶女墮纓簪歡笑相拜賀則知惠

愛深

書康誥元惡大憝晉書巨猾滔天帝京危急潘岳西征賦牧疲人於西夏殷仲文解尚書表洪波振

壑川無恬鱗元惡滔天二聯指上元中宋州刺史劉展舉兵爲亂連陷揚潤昇蘇湖濠楚舒和徐廬諸州凡三

月始平其事詳後二十七卷註常州與蘇湖揚潤四州
地界相接其亂離不遑安處聚可知矣春秋繁露大夫
議大夫種大夫庸大夫畢大夫車成越王與此五大夫
謀伐吳遂滅之雪會稽之恥宛陵即宣城也唐時宣州
宣城郡理宣城縣本漢之宛陵縣地太白原註亞相李
公重之以能政中丞李公免罷以移官蓋銘以劉展稱
兵避難奔走失官因二公而復職者也唐時御史臺有
大夫一員正三品中丞二員正四品亞相謂御史大夫
獨坐謂中丞海錄碎事御史大夫謂之亞相蓋御史大
夫漢時位爲宰相之副故唐人謂之亞相莊子庖丁爲
文惠君解牛手之所觸肩之所倚足之所履膝之所踣
砉然騞然奏刀騞然莫不中音合於桑林之舞乃中經
首之會陸德明註桑林司馬云湯樂名崔云宋舞樂名
投刀應桑林言其治民之材如投刀得法綽然有餘地
也後漢書光武特詔御史中丞與司隸校尉尚書令會
同並專席而坐故京師號曰三獨坐激揚激濁揚清也

潘岳西征賦開襟乎清暑之館絃歌用子游宰武城事
因免罷移官故曰再理也漢書張禹傳後堂理絲竹管
絃如淳曰今樂家五日一習樂爲理樂世說註名士傳
曰阮咸字仲容陳留人太原郭奕見之心醉不覺嘆服
莊子牧馬小童曰夫爲天下者亦奚以異乎牧馬者哉
亦去其害馬者而已矣曲禮女子許嫁纓纓孔穎達正義
婦人質弱不能自固必有繫屬故恒繫纓纓有二時一
是少時常佩香纓二是許嫁時繫纓何以知然者內則
云男女未冠笄紿纓鄭以爲佩香纓不云纓之形制又
昏禮主人入親說婦纓鄭註云婦人十五許嫁笄而禮
之因著纓明有繫也蓋以五采爲之其制未聞又內則
云婦事舅姑紿纓鄭云婦人有纓示繫屬也以此而言
故知有歷職吾所聞稱賢爾爲最化洽一邦上名馳三
二纓也

江外峻節貫

繆本作冠

雲霄通方堪遠大能文變風俗好客

雷軒蓋他日一來游因之嚴光瀨

蜀志謝繼敏達夙成學識通博進仕州郡

歷職清顯後漢書牟融以司徒茂才爲豐令視事三年縣無獄訟爲州郡最晉書鄭袤爲黎陽令吏民悅服太守班下屬城特見甄異爲諸縣之最史記索隱韋昭云三江謂松江錢塘江浦陽江今按地理志有南江中江北江是爲三江其南江從會稽吳縣南東入海中江從丹陽蕪湖縣東北至會稽陽羨縣東入海北江從會稽毘陵縣東北入海太平寰宇記郡國志云禹貢三江吳郡南松江錢塘江浦陽江是也峻節高節也顏延年詩峻節貫秋霜李善註貫連也漢書通方之士不可以文亂顏師古註方道也梁書尚書令沈約當朝顯貴軒蓋盈門水經註自桐廬縣至於潛凡十有六瀨第二是嚴陵瀨瀨帶山山下有石室漢光武時嚴子陵之所居也故山及瀨皆即人姓名之山下有盤石周圍十數丈交枕潭際蓋陵所游也

草創大還贈柳官迪

天地爲橐籥周流行太易造化合元符交媾

繆本作搆騰精

魄自然成妙用孰

繆本作熟

知其指的羅絡四季間絛微無

一

繆本作無

隙日月更出沒雙光豈云隻姤女乘河車黃

金充轅軛執樞相管轄摧伏傷羽翮朱鳥張炎威白虎

守本宅相煎成苦老消爍凝津液髣髴明窓塵死灰同

至寂擣

繆本作鑄非

冶入赤色十二周律厯赫然稱大還與

道本無隔白日可撫弄清都在咫尺北艷落死名南斗

上生籍抑予是何者身在方士格才術信縱橫世途自
輕擲吾求仙棄俗君曉損勝益不向金闕遊思爲玉皇
客鸞車速風電龍騎無鞭策一舉上九天相攜同所適

老子天地之間其猶橐籥乎河上公註天地空虛和氣
流行萬物自生其空虛猶橐籥也參同契乾坤者易之
門戶衆卦之父母坎離匡廓運轂正軸牝牡四封以爲
橐籥覆冒陰陽之道又曰易有周流屈伸反覆又曰易
謂坎離坎離者乾坤二用二用無爻位周流行六虛往
來既不定上下亦無常陸倕新刻漏銘入神之制與造
化合符呂延濟註造化謂陰陽也符同也參同契觀夫
雌雄交媾之時剛柔相結而不可解得其節符非有工
巧以制御之本在交媾定制始先陳子昂詩精魄相交
媾參同契自然之所爲兮非有邪僞道惟斯之妙術兮

審訂不誑語又曰坎戊日精離己月光日月爲易剛柔
相當土王四季羅絡始終天地媾其精日月相擇持蟾
蜥與兔魄日月氣雙明又曰河上姤女靈而最神得火
則飛不見埃塵彭曉註河上姤女者真汞也見火則飛
騰抱朴子丹砂可爲黃金河車可作銀子得其道可以
仙身甄轅端橫木駕馬領者也龍虎經神室有所象雞
子爲形容容五岳峙潛洞際會有樞轄淳于叔通大丹賦
升熬於甑山兮炎火張設下白虎倡導前兮蒼液和於
後朱雀翔翔戲兮飛揚色五采遭遇網羅施兮壓止不
得舉嗷嗷聲悲泣兮如嬰兒慕母顛倒就湯鑊兮摧折
傷毛羽俞琰註朱雀火也蕭士贇曰老者煉丹火候之
老嫩也參同契形體爲灰土狀若明窓塵擣治并合之
馳入赤色門固塞其際會務令致完堅炎火張於下晝
夜聲正勤始文使可修終竟武乃陳候視加謹慎審察
調寒溫周旋十二節節盡更須親氣索命將絕休死亡
魄魂色轉更爲紫赫然成還丹清都見二卷註北鄴見

本卷註搜神記南斗注生北斗注死後漢書窮折方士黃白之術章懷太子註方士有方術之士也闕謂朝廷之門闕金闕猶金門也真靈位業圖有玉皇道君太平廣記木公亦云東王父亦云東王公蓋青陽之元氣百物之先也冠三維之冠服九色雲霞之服亦號玉皇君居於雲房之間以紫雲爲蓋青雲爲城仙童侍立玉女散香真僚仙官巨億萬計各有所職皆稟其命而朝奉翼衛故男女得道者名籍所隸焉出仙傳拾遺太平御覽尺素訣曰太微天帝登白鸞之車
媾音垢姤丑雅切啞去聲

贈崔司戶文昆季

唐時州之屬吏有司戶參軍事上州二人從七品下中州一人

正八品下下州
一人從八品下

雙珠出海底俱是連城珍明月兩特達餘輝旁照

繆本
作照

旁

人英聲振名都高價動殊鄰豈伊箕山故特以風期

親惟昔不自媒擔簦西入秦攀龍九天上忝列

綰本作別忝

歲星臣布衣侍丹墀密勿草綵綸才微惠渥重讒巧生

緇磷一去已十年今來復盈旬清霜入曉鬢白露生衣

巾側見綠水亭開門列華茵千金散義士四座無凡賓

欲折月中桂持

蕭本作特

爲寒者薪路旁已竊笑天路將何

因垂恩儻邱山報德有微身

三國志註孔融與韋康父端書曰前日元將來淵才

亮茂雅度弘毅偉世之器也昨日仲將又來懿性貞實文敏篤誠保家之主也不意雙珠近出老蚌甚珍貴之

魏文帝與鍾繇書不損連城之價事詳四卷註禮記圭璋特達郭璞詩圭璋雖特達呂延濟註特達美貌古詩照乘有餘輝長楊賦邇方疏俗殊鄰絕黨之域顏師古註鄰邑也高士傳許由字武仲陽城槐里人也隱於沛澤之中堯讓天下於許由由於是遁耕於中岳潁水之陽箕山之下終身無經天下色許由沒葬箕山之巔亦名許由山在陽城之南十餘里堯因就其墓號曰箕山公神以配食五岳風期猶風度也註見三卷列子魯有儒生自媒能治之管子自媒之女醜而不信史記虞卿躡蹻擔簦徐廣曰簦長柄笠音登笠有柄者謂之簦列仙傳東方朔者平原厭次人也久在吳中爲書師數十年武帝時上書說便宜拜爲郎至昭帝時時人或謂聖人或謂凡人作深淺默顯之行或忠言或戲語莫知其旨至宣帝時初棄郎以避世亂置幘官舍風飄之而去後見於會稽賣藥五湖智者疑其歲星精也漢書俯視兮丹墀孟康註丹墀赤地也通典漢省中以朱漆地故

謂之丹墀宋書明光殿以胡粉塗壁畫古賢烈士以丹
朱飾地謂之丹墀漢書密勿從事不敢告勞顏師古註
密勿猶龜勉禮記王言如絲其出如綸鄭玄註言出
彌大也綸今有秩嗇夫所佩也孔穎達正義王言初出
微細如絲及其出行於外言更漸大如綸也言綸粗於
絲潘岳寡婦賦荷君子之惠渥劉良註荷恩惠之厚也
任昉詩經途不盈旬謝靈運詩連榻設華茵張銑註茵
褥也酉陽雜俎舊言月中有桂西京賦要羨門乎天路

音支磷音鄰

墀音池縹

贈溧陽宋少府陟

唐時宣州有溧陽縣屬江南西道

李斯未相秦且逐東門兔宋玉事襄王能爲高唐賦嘗
聞綠水曲忽此相逢遇掃灑青天開豁然披雲霧歲蕤

紫鸞鳥巢在崑山樹驚風西北吹飛落南溟去早懷經
濟策特受龍顏顧白玉棲青蠅君臣忽行路人生感分

義貴欲呈丹素何日清中原相期廓天步

李斯事見一卷擬恨賦註

高唐賦見二卷註綠水曲見四卷註晉書尚書令衛瓘見樂廣而奇之命諸子造焉曰此人之水鏡見之瑩然若披雲霧而觀青天也子虛賦錯翡翠之歲蕤呂延濟註歲蕤羽毛貌鸞鳥見二卷註南溟南海也見八卷註青蠅見九卷註北史司馬子如傳子如初爲懷朔鎮省事與齊神武相結託分義甚深劉璠傳我與府侯分義已定楊齊賢曰丹素心也左傳晉楚治兵遇於中原詩小雅天步艱難沈約法王寺碑因斯而運斗樞自茲而

廓天步

戲贈鄭溧陽

鄭名晏爲溧陽令與上篇宋少府陟
俱詳見二十九卷溧陽瀨水貞義女

碑銘

序

陶令日日醉不知五柳春素琴本無絃漉酒用葛巾清

風北窓下自謂羲皇人何時到栗

一作溧

里一見平生親

宋書陶潛少有高趣嘗著五柳先生傳以自況曰先生
不知何許人不詳姓氏宅邊有五柳樹因以爲號焉性
嗜酒而家貧不能恒得親舊知其如此或置酒招之造
飲輒盡期在必醉既醉而退曾不吝情去留爲彭澤令
解印綬去職賦歸去來江州刺史王弘欲識之不能致
也潛常往廬山弘令潛故人龐通之齋酒具於半道栗
里要之潛有脚疾使一門生二兒輦籃輿既至欣然便
共飲酌俄頃弘至亦無忤也潛性不解音聲而畜素琴

八
一
張無絃每有酒適輒撫弄以寄其意郡將候潛值其
酒熟取頭上葛巾漉酒畢還復著之嘗言五六月北窓
下卧遇涼風暫至自謂是羲皇上人太平寰宇記栗里
原在廬山南當澗有陶公醉石蘇武詩願子留斟酌敘
此平生親任昉詩何由
乘此竹直見平生親

贈僧崖公

昔在朗陵東學禪白眉空大地了鏡徹迴旋寄輪風攬
彼造化力持爲我神通晚謁太山君親見日沒雲中夜

臥山月

一作夜臥
雪上月

拂衣逃人羣授余金仙道曠劫未始

聞冥機發天光獨朗謝垢氛虛舟不繫物觀化遊江濱

江濱遇同聲道崖乃僧英說法動海岳遊方化公卿手

秉玉麈尾如登白樓亭微言注百川疊疊信可聽一風

鼓羣有萬籟各自鳴啓閉八

繆本作開七

窓牖託宿掣雷霆

自言

繆本作云

歷天台搏壁躡翠屏凌兢石橋去恍惚入青

冥昔往今來歸絕景無不經何日更攜手乘杯向蓬瀛

元和郡縣志朗陵山在蔡州朗山縣西北三十里太平寰宇記朗陵故城漢爲縣所治在今蔡州朗山縣西南

三十五里晉武帝封何曾爲朗陵公即此城也白眉空疑是當時釋子之名猶禪宗所稱南泉願臨濟元趙州諡之類楊註引蜀志馬良白眉事非矣了者了然分明之意楞嚴經觀諸世間大地山河如鏡鑑明來無所粘

過無踪跡法苑珠林依華嚴經云三千大千世界以無
量因緣乃成且如大地依水輪水依風輪風依空輪空
無所依然衆生業感世界安住故智度論云三千大千
世界皆依風輪爲基又新翻菩薩藏經云諸佛如來成
就不思議智故而能行知諸風雨相知世有大風名烏
盧博迦乃至衆生諸有覺受皆由此風所推動故此風
輪量高三拘盧舍於此風上虛空之中復有風起名風
雲輪此風輪量高五拘盧舍於此風上虛空之中復有
風起名瞻薄迦此風輪量高十踰繕那如是次第輪上
六萬八千拘胝風輪之相如來應正等覺依止大慧悉
能了知維摩詰經維摩詰即入三昧現神通力示諸大
衆太山君主太山之神也廣博物志東岳太山君領羣
神五千九百人主治死生百鬼之主帥也太山君服青
袍戴蒼璧七稱之冠佩通陽太平之印乘青龍金光明
經如來之身金色微妙後世稱佛有金仙之號以此隋
書天地之外四維上下更有天地亦無終極然皆有成

有敗一成一敗謂之一劫楞嚴經我曠劫來心得無礙
沈約千佛頌千覺俯應遍叩冥機莊子宇泰定者發乎
天光謝靈運詩兼抱濟物性而不纓垢氛李善註垢滓
也氛氣也莊子汎若不繫之舟虛而遨遊者也魏書獨
浩然而任己同虛舟之不繫鮑照詩回風起江濱說文
濱水涯也周易同聲相應同氣相求沈約爲齊竟陵王
解講疏肅萃僧英敬敷慧典傳亮文殊師利菩薩贊業
化遊方罔識厥津晉書王衍妙善玄言唯談老莊爲事
每執玉柄麈尾與手同色世說孫興公許玄度共在白
樓亭共商畧先往名達林公既非所闡聽訖云二賢故
自有才情劉孝標註會稽記曰白樓亭在山陰臨流映
壑也水經註浙江又東北徑重山西山上有白樓亭亭
本山下縣令殷朗移置今處升陟遠望山湖滿目也微
言已見前訪道安陵詩註中世說謝太傅未冠始出西
詣王長史清言良久去後荀子問曰向客何如尊長史
曰向客疊疊爲來逼人王中頭陀寺碑文行不捨之檀

而施洽羣有劉良註羣有謂萬物韻會凡孔竅機括皆曰籟莊子人籟則比竹是已地籟則衆竅是已天籟則萬丈之絕冥踐莓苔之滑石搏壁立之翠屏李善註懸磴石橋也顧愷之啓蒙記註曰天台山石橋路徑不盈尺長數十步步至滑下臨絕冥之澗翠屏石橋之上石壁之名也孔靈符會稽記曰赤城山上有石橋懸渡有石屏風橫絕橋上邊有過徑裁容數人甘泉賦馳閭闔而入凌兢服虔註凌兢恐懼貌王逸九思增逝兮青冥註云青冥太清也法苑珠林宋京師有釋杯渡者不知族姓名氏常乘木杯渡水因而爲目初見在冀州不修細行神力卓越世莫能測其由來嘗於北方寄宿一家家有一金像渡竊去家主覺而追之見渡徐行走馬逐而不及至孟津河浮木杯於水憑之而渡無假風棹輕疾如飛俄而渡岸達於京師

游溧陽北湖亭望瓦屋山懷古贈同旅

一作贈孟浩然景

定建康志瓦屋山在溧陽縣西北八十里周迴二十里高一百六十七丈山形連亘兩崖稍陡起宛如屋狀李白嘗游溧陽望瓦屋山懷古賦詩即此地

朝登北湖亭遙望瓦屋山天清白露下始覺

一作秋風知

還遊子託主人仰觀眉睫間目

一作日

色送飛鴻邈然不

可攀長吁相勸勉何事來吳闕聞有貞義女振窮溧水灣清光了在眼白日如披顏高墳五六墩萃兀栖猛虎遺跡翳九泉芳名動千古子胥昔乞食此女傾壺漿運

開展宿憤入楚鞭平王凜冽天地間聞名若懷霜壯夫

或未達十步九太行與君拂衣去萬里同翱翔

遊子數句言遊

客仰觀主人辭色見其仰視飛鳥意不在賓客故長吁
相勸何事來至此地目色送飛鴻是暗用衛靈公仰視
蜚雁色不在孔子事已見四卷註越絕書子胥至溧陽
界中見一女子擊絮於瀨水之中子胥曰豈可得託食
乎女子曰諾即發簞飯清其壺漿而食之子胥食已而
去謂女子曰掩爾壺漿毋令之露女子曰諾子胥行五
步還顧女子自縱於瀨水之中而死一統志溧水在應
天府溧陽縣西北四十里一名瀨水蕭士貳曰棲猛虎
謂墳如猛虎之狀猶馬鬣封之謂也琦謂墳勢窳兀有
若猛虎是寫遙望中擬似之景耳以馬鬣封爲比恐未
足據此詩貞義女之墳唐時尚存當在瓦屋山下今則
不可考矣木華海賦吹炯九泉李善註地有九重故曰

九泉謝靈運詩道消結憤懣運開申悲涼吳越春秋吳王入郢伍胥乃掘平王之墓出其尸鞭之三百左足踐腹右手抉其目誚之曰誰使汝用譏諛之口殺我父兄豈不寃哉傳咸神泉賦六合蕭條嚴霜凜冽陸機文賦心懷慄以懷霜

醉後贈從甥高鎮

馬上相逢揖馬鞭客中相見客中憐欲邀擊筑悲歌飲
正值傾家無酒錢江東風光不借人枉殺落花空自春
黃金逐手快意盡昨日破產今朝貧丈夫何事空嘯傲
不如燒却頭上巾君爲進士不得進我被秋霜生旅鬢

時清不及英豪人三尺童兒唾

蕭本作重

廉蔭匣中盤劍裝

鰓魚閒在腰間未用渠且將換酒與君醉醉歸託宿吳

專

繆本作鱖

諸史記荆軻嗜酒日與狗屠及高漸離飲於燕市酒酣以往高漸離擊筑荆軻和而歌於市

中相樂也已而相泣旁若無人漢書陳萬年傳傾家自盡文獻通考唐制取士之科有秀才有明經有進士有俊士太平御覽南越志曰鰓魚南越謂之環雷魚長二丈其鱗皮有珠文可以飾刀劍琦按鰓魚古謂之鮫魚今謂之沙魚以其皮爲刀劍鞘者是也廉頗者趙之良將以勇氣聞於諸侯將兵數有功封安平君藺相如亦趙人趙王使奉和氏璧入秦卒完璧歸趙趙王以爲賢大夫使不辱於諸侯拜爲上大夫又從趙王與秦王會渑池歸國以相如功大拜爲上卿位在廉頗之右吳越春秋專諸堂邑人也伍胥之亡楚如吳時遇之於塗因

相其貌確顙而深目虎膺而熊背戾於從難知其
勇士陰而結之欲以爲用 鰭音鵲縛與專同

贈秋浦柳少府

唐時秋浦縣隸江南西道之池州

秋浦舊蕭索公庭人吏稀因君樹桃李此地忽芳菲搖

筆望白雲開簾當翠微時來引山月縱酒酣清輝而我

愛夫子淹留未忍歸

樹桃李用潘岳事詳見後三首註中爾雅山未及上翠微郭璞註近

上旁坡邢昺疏謂未及頂上在旁陂陀之處名翠微一說山氣青縹色故曰翠微也潛確居類書凡山遠望之則翠近之則翠漸微故山色曰翠微亦曰山腰漢書乃罷歷下守備縱酒顏師古註縱放也放意而飲酒說文酣酒樂也阮籍詩明月耀清輝

贈崔秋浦三首

吾愛崔秋浦宛然陶令風門前

一作裁

五楊柳井上

一作夾

二梧桐山鳥下聽事簷花落酒中懷君未忍去惆悵意

無窮

陶令五柳事已見本卷註元行恭詩惟餘一廢井尚夾兩株梧桐鹽鐵論曾子倚山而吟山鳥下翔北

堂書鈔益部耆舊傳景放爲益州太守威恩洽暢有鳩巢於聽事胡三省通鑑註聽他經切聽受也中庭曰聽事言受事察訟於是也漢晉皆作聽事六朝以後始加厂作廳何遜詩燕子戲還飛簷花落枕前聽音汀

其二

崔令學陶令

一作君似陶彭澤

北窓常晝眠抱琴時弄

一作待秋月

取意任無絃見客但傾酒爲官不愛錢東臯多種黍勸

爾早耕田

一作東臯春事起種黍早歸田

北窓臥無

耕於東臯之陽輸黍稷之稅以避當塗之路張銑註東臯籍所居之東也澤畔曰臯

其三

河陽花作縣秋浦玉爲人地逐名賢好風隨惠化春水

從天漢落山逼畫屏新應念金門客投沙弔楚臣

白帖潘岳

爲河陽令種桃李花人號曰河陽一縣花庾信春賦河陽一縣併是花晉書裴楷風神高邁容儀俊爽博涉羣書特精義理時人謂之玉人又晉書王蘊爲竟陵太守有惠化百姓歌之楊齊賢曰水從天漢落指九華山之

瀑布也漢書賈誼爲長沙王太傅既以謫去意不自得及渡湘水爲賦以弔屈原屈原楚賢臣也被讒放逐作離騷賦遂自投江而死誼追傷之因以自諭謝靈運詩投沙理既迫如邛願亦愆投棄也謂棄之於長沙正用事誼

望九華山

蕭本缺山字

贈青陽章

繆本作章青陽

仲堪

太平寰宇記九

華山在池州青陽縣南二十里舊名九子山李白以九峯有如蓮花削成改爲九華山因有詩曰天河挂綠水秀出九芙蓉今山中有李白書堂基址存焉又按顧野王輿地志云其山上有九峯千仞壁立周圍二百里高一千丈出碧雞之類劉禹錫曰九華山在池州青陽縣西南九峰競秀神采奇異昔予仰太華以爲此外無奇愛女几荆山以爲此外無秀今見九華始悼前言之容易也元和郡

縣志青陽縣西南至池州七十里本漢涇縣地天寶元年洪州都督徐輝奏於吳所立臨城縣南置

屬宣州在青山之陽故名永泰二年隸池州

昔在九江上遙望

一作觀

九華峰天河挂綠水秀出

一作山

九芙蓉我欲一揮手誰人可相從君爲東道主於此臥

雲松

郭璞山海經註九江在潯陽南江自潯陽而分爲九皆東會於大江書曰九江孔殷是也通典九江

在潯陽郡之西北此詩所謂九江則指池州之江也以其承九江之下流故亦冒九江之稱左傳若舍鄭以爲東道主



李太白集注卷十

欽定四庫全書

集部

李太白集注卷十一

詳校官侍郎臣謝墉

檢討臣何思鈞覆勘

總校官編修臣

王燕緒

校對官編修臣

何循

謄錄監生臣

趙錫蒲

欽定四庫全書

李太白集注卷十一

錢塘 王琦 撰

古近體詩共三十二首

贈王判官時余歸隱居廬山屏風疊

一統志屏風疊在廬山自

五老峰而下九疊如屏游宦紀聞九疊屏風之下

舊有太白書堂有詩曰吾非濟代人且隱屏風疊

昔別黃鶴樓蹉跎淮海秋俱飄零落葉各散洞庭流中

年不相見蹭蹬遊吳越何處我思君天台綠蘿月會稽

風月好却遶剡溪回雲山海上出人物鏡中來一度浙
江北十年醉楚臺荆門倒屈宋梁苑傾鄒枚苦笑我誇
誕知音安在哉大盜割鴻溝如風掃秋葉吾非濟代人
且隱屏風疊中夜天中望憶君思見君明朝拂衣去永

與海鷗羣

黃鶴樓見八卷註隋書揚州於禹貢爲淮海之地說文贈蹠失道也方輿勝覽天台山在

台州天台縣西一百十里藝文類聚名山畧記曰天台
山在剡縣即是衆聖所降葛仙公山也世說註會稽郡
記曰會稽郡多名山水峰岒隆峻吐納雲霧松栢楓栢
擢幹竦條潭壑鏡徹清流瀉注王子敬見之曰山水之
美使人應接不暇太平寰宇記剡溪在越州剡縣南一
百五十步一源出台州天台縣一源出婺州武義縣即

王子猷雪夜訪戴逵之所也一名戴溪初學記與地志
曰山陰南湖縈帶郭郭白水翠巖互相映發若鏡若圖
故王逸少曰山陰路上行如在鏡中遊夢梁錄浙江在
杭州東南謂之錢塘江內有浙山正居江中潮水投山
下曲折而行楚臺楚地之臺若章華陽雲之類荆門謂
荆州之地唐時爲江陵郡今湖廣之荊州府是也其地
有荆門山故文士取以爲稱梁苑古睢陽之地唐時爲
宋州睢陽郡之宋城縣今河南歸德州是也其地漢梁
孝王之苑圃在焉故文士以梁苑稱之屈原宋玉皆生
於荊州鄒陽枚乘皆客梁孝王引此以喻當時兩州之
文士大盜指安祿山史記項羽乃與漢王約中分天下
割鴻溝而西者爲漢鴻溝而東者爲楚應劭曰在滎陽
東南二十里文穎曰於滎陽下引河東南爲鴻溝以通
宋鄭陳蔡曹衛與濟汝淮泗會於楚即今官渡水也十
六國春秋蓋平殘胡如風掃葉海鷗用列
子事見二卷註

贈音寸澄音鄧剡音閃

在水軍宴贈幕府諸侍御

永王軍中漢書莫府省文書晉灼曰將軍職

在征行無常處所在爲治故言莫府也或曰衛青征匈奴絕大莫大克獲帝就拜大將軍於幕府中故曰莫府莫府之名始於此也顏師古曰二說皆非也幕府者以軍幕爲義古字通軍用耳軍旅無常居止故以帳幕言之廉頗李牧市租皆入幕府此則非因衛青始有其號

月化五白

一作百非

龍翻飛凌九天胡沙驚北海電掃洛陽

川虜箭雨宮闕皇輿成播遷英王受廟畧秉鉞清南邊

雲旗卷海雪金戟羅江烟聚散百萬人弛張在一賢霜

臺降羣彥水國奉戎旃繡服開宴語天人借樓船如登

黃金臺遙謁紫霞仙
卷身編蓬下冥機
四十年寧知草

間人腰下有龍泉
浮雲在一決
誓欲清幽燕
願與四座

公靜談金匱篇
齊心戴朝恩
不惜微軀捐
所冀旄頭滅

功成追魯連

十六國春秋慕容熙建始元年太史丞梁延年夢月化爲五白龍夢中占之曰月臣

也龍君也月化爲龍當有臣爲君者後漢書電掃羣孽風行巴梁楚辭恐皇興之敗績王逸註皇后也與君之所乘十六國春秋華夏大亂皇興播遷梁書大齊聖主之恩規上黨英王之然諾隋書親承廟畧遠振國威趙次公杜詩註兵謀謂之廟畧蓋謀於七廟之中也詩商頌有虔秉鉞東京賦雲旗拂霓薛綜註熊虎爲旗其高至雲故曰雲旗也禮記一張一弛文武之道也漢書百萬之衆不如一賢霜臺御史臺也御史爲風霜之任故

曰霜臺顏延年詩水國周地險謝朓辭隨王牋契濶戎
旃從容讌語李周翰註戎兵也旃旌也陳子昂詩昔君
事胡馬予得奉戎旃國語飲酒宴語相親也天人邯鄲
淳美曹植語見五卷註樓船見四卷註太平御覽燕昭
王爲郭隗築臺今在幽州燕王故城中土人呼爲賢士
臺亦謂之招賢臺又謂之黃金臺東方朔非有先生論
積土爲室編蓬爲戶越絕書歐冶子干將鑿茨山洩其
溪取鐵英作爲鐵劍三枚一曰龍淵二曰太阿三曰工
布龍泉即龍淵也唐人避高祖諱改稱龍淵曰龍泉莊
子說劍篇上決浮雲下絕地紀史記細史記石室金匱
之書索隱曰石室金匱皆國家藏書之處隋書經籍志
有太公金匱二卷後漢書蒙被朝恩負荷重任陸機詩
不惜微軀退漢書昂曰髦頭胡星也追魯連言將
如魯連功成身退不受爵賜而去也詳見二卷註

贈武十七諤并序

門人武諤深於義

一作詩

者也質木沉悍慕要離之風

潛釣川海不數數於世間事聞中原作難西來訪余
余愛子伯禽在魯許將冒胡兵以致之酒酣感激援
筆而贈

馬如一匹練明日過吳門乃是要離客西來欲報恩笑
開燕匕首拂拭竟無言狄犬吠清洛天津成塞垣愛子
隔東魯空悲斷腸猿林回棄白璧千里阻同奔君爲我
致之輕齋涉淮源精誠合天道不媿遠遊

一作鄧攸

魂藝文類聚

韓詩外傳曰顏回望吳門馬見一匹練孔子曰馬也然則馬之光景一匹長耳故後人呼馬為一匹要離事見五卷註史記燕太子丹預求天下之利匕首說文赤狄本犬種元和郡縣志洛水在河南府洛陽縣西南三里西自苑內上陽之南彌漫東流宇文愷作斜堤束令東北流潘岳籍田賦清洛濁渠引流激水天津洛水浮橋名已見二卷註後漢書天設山河秦築長城漢起塞垣所以別內外異殊俗也鮑照詩追虜窮塞垣張銑註塞垣長城也庾信五張寺經藏碑昔為畿服今成塞垣世說桓公入蜀至三峽中郤伍中有得猿子者其母緣岸哀號行百餘里不去遂跳上船至便即絕破視其腹中腸皆寸寸斷公聞之怒命戮其人莊子林回棄千金之璧負赤子而趨或曰為其布歟赤子之布寡矣為其累歟赤子之累多矣棄千金之璧負赤子而趨何也林回曰彼以利合此以天屬也陸德明音義林回司馬云殷之逃民之姓名廣韻齋裝也玉篇齋行道所用也通志

地理畧淮水源在唐州桐栢縣河南志淮濱在南陽府桐栢縣西二十五里源出胎簪山流經息陽確山真陽息縣固始會沂泗東入於海晉書鄧攸沒於石勒石勒過泗水攸乃斫壞車以牛馬負妻子而逃又遇賊掠其牛馬步走擔其兒及其弟子綏度不能兩全乃謂其妻曰吾弟早亡惟有一息理不可絕止應自棄我兒耳幸而得存我後當有子妻泣而從之其後妻不復孕卒以無嗣時人義而哀之爲之語曰天道無知使鄧伯道無兒

贈閭丘宿松

唐時舒州有宿松縣屬淮南道

阮籍爲太守乘驢上東平剖竹十日間一朝風化清偶來拂衣去誰測主人情夫子理宿松浮雲知古城掃地

物莽然秋來百草生飛鳥還舊巢遷人返躬耕何慙宓

子賤不減陶淵明吾知千載後却掩二賢名

世說註文士傳曰阮

籍放誕有傲世情不樂仕宦晉文帝親愛籍恒與談戲任其所欲不迫以職事籍常從容言曰平生常游東平樂其土風願得爲東平太守文帝悅從其意籍便騎驢徑到郡皆壞府舍諸壁郵使內外相望教令清寧十餘日便復騎驢去謝靈運詩剖竹守滄海李善註漢書曰初與郡守爲竹使符說文曰符信剖置以竹分而復合呂延濟註凡爲太守皆剖竹使符也家語宓不齊字子賤仕爲單父宰有才智仁愛百姓不忍欺孔子美之南史陶潛字淵明爲鎮軍建威參軍謂親朋曰聊欲絃歌以爲三徑之資可乎執事者聞之以爲彭澤令不以家累自隨公田悉令吏種秫稻妻子固請種粳乃使二頃五十畝種秫五十畝種粳宓當作處音服讀作密音

非者

獄中上崔相渙

舊唐書崔渙傳天寶十五載七月玄宗幸蜀渙迎謁於路抗詞忠懇

皆究理體玄宗嘉之以爲得渙晚即日拜黃門侍郎同中書門下平章事扈從成都肅宗靈武即位八月與左相韋見素同平章事房琯崔圓同貴冊赴行在時未復京師舉選路絕詔渙充江淮宣慰選補使以收遺逸惑於聽受爲下吏所驚濫進者非一以不稱職聞乃罷知政事除左散騎常侍兼餘杭太守江東採訪防禦使

胡馬渡洛水血流征戰場千門閉秋景萬姓危朝霜賢相變元氣再欣海縣康台庭有夔龍列宿粲成行羽翼

三元聖發輝兩太陽應念覆盆下雪泣拜天光

說文變和也書

周官論道經邦變理陰陽十六國春秋海縣分裂天光分耀傳玄詩繁星依青天列宿自成行李周翰註列宿二十八宿也六韜王者帥師必有股肱羽翼以成神威元聖大聖也書湯誥聿求元聖三元聖謂玄宗肅宗廣平王也兩太陽亦謂玄宗肅宗也抱朴子是責三光不照覆盆之內也呂氏春秋吳起雪泣而應之高誘註雪拭也漢書夫日者衆陽之宗天光之貴東京賦登天光於扶桑呂向註天光日也

中丞宋公以吳兵三千赴河南軍次尋陽脫余之

囚參謀幕府因贈之

舊唐書天寶十五載六月以監察御史宋若思爲御史中

丞即其人也脫太白囚執事詳見二十六卷及三十卷中唐時潯陽郡又謂之江州隸江南西道

獨坐清天下專征出海隅九江皆渡虎三郡盡還珠組
練明秋浦樓船入郢都風高初選將月滿欲平胡殺氣
橫千里軍聲動九區白猿慙劍術黃石借兵符戎虜行

當剪鯨鯢立可誅自憐非劇孟何以佐良圖

獨坐謂御史中丞與

司隸校尉尚書令會同得專席而坐也詳見十卷註後漢書范滂爲清詔使登車攬轡慨然有澄清天下之志春秋元命苞賜弓矢得專征賜斧鉞得誅白虎通好惡無私執意不傾賜以弓矢使得專征後漢書宋均遷九江太守郡多虎暴數爲民患常募設檻穽而猶多傷害均到下記屬縣曰夫虎豹在山鼉鼉在水各有所托今爲民害咎在殘吏而勞動張捕非憂恤之本也其務退奸貪思進忠善可一去檻穽除削課制其後傳言虎相

與東游渡江孟嘗遷合浦太守郡不產穀實而海出珠
寶與交趾比境常通商販賣糴糧食先時宰守並多貪
穢詭人採求不知紀極珠遂漸徙於交趾郡界於是行
旅不至人物無資貧者死餓於道嘗到官革易前弊求
民病利曾未歲餘去珠復還百姓皆反其業商貨流通
稱爲神明左傳使鄧廖帥組甲三百被練三千以侵吳
杜預註組甲被練皆戰備也組甲漆甲成組文被練練
袍賈逵曰組甲以組綴甲車士服之被練帛也以帛綴
甲步卒服之史記江陵故郢都西通巫巴東有雲夢之
饒漢書地理志南郡江陵故楚郢都楚文王自丹陽徙
此北史選將練兵羸糴聚甲隋書突厥侯月將滿鞬爲
寇欽劉淵林三都賦註吳越春秋越有處女出於南林
之中越王使使聘問以劍戟之事處女將北見於越王
道逢老翁自稱袁公問處女吾聞子善爲劍術願一觀
之女曰妾不敢有所隱惟公試之於是袁公即跳於林
竹槁折墮地處女即接末袁公操本以刺處女女應節

入三八因舉杖擊之袁公即飛上樹化爲白猿遂引去
李嶠詩絳營韜將畧黃石請兵符史記如姬盜晉鄙兵
符與公子孔穎達左傳正義節爲兵符秋浦樓
船九區黃石鯨鯢劇孟俱已見前註 郢音穎

流夜郎贈辛判官

昔在長安醉花柳五侯七貴同杯酒氣岸遙凌豪士前
風流肯落他一作誰人後夫子紅顏我少年章臺走馬

著金鞭文章獻納麒麟殿歌舞淹留玳瑁筵與君自謂

長如此寧知草動風塵起函谷忽驚胡馬來秦宮桃李

向明繆本作胡開我愁遠謫夜郎去何日金雞放赦回

羣輔錄平

阿侯王諱成都侯王商紅陽侯王音曲陽侯王根高平侯王逢時並以元后弟同日受封京師號曰五侯並奢豪富侈招賢下士谷永樓護皆爲貴客潘岳西征賦窺七貴於漢庭李善註七貴謂呂霍上官趙丁傅王也梁書氣岸疎凝情迢獨隔漢書張敞無威儀時罷朝會走馬過章臺街孟康註在長安中臣瓚曰章臺下街也初學記三輔黃圖曰未央宮東有麒麟殿藏秘書即揚雄校書之處也宋之問詩歌舞淹留景欲斜石闌猶駐五雲車劉楨八賦布象牙之席薰玳瑁之筵後漢書設後北虜稍強能爲風塵章懷太子註相侵擾則風塵起張駸薤露行三方風塵起獫狁竊上京函谷見二卷五卷註蕭士贇曰子見以桃李向明開爲公卿歸祿山非也是指同時儕類因兵興之際不次被用爲人桃李我獨遭謫也向明者向陽花木之義與地廣記唐貞觀十六年開山洞置夜郎縣爲珍州治李白流夜郎郎即此唐書地理志貞觀十六年開山洞置珍州并置夜郎麗臯樂

源三縣後爲夜郎郡隸黔中道元和二年州廢地改屬
漆州舊唐書凡國有赦宥之事先集因徒於闕下命衛
尉樹金雞待宣

制訖乃釋之

贈劉都使

都使未詳何官詩中有飲冰事戎幕之
句蓋幕職也當是兼銜若都水監使者

之類
耳

東平劉公幹南國秀餘芳一鳴即朱紱五十佩銀章飲
冰事戎幕衣錦華水鄉銅官幾萬人諍訟清玉堂吐言
貴珠玉落筆迴風霜而我謝明主銜哀投夜郎歸家酒
債多門客粲成行高談滿四座一日傾千觴所求竟無

緒裘馬欲摧藏主人若不顧明發釣滄浪

三國志東平劉楨字公幹

太祖辟爲丞相掾屬著文賦數十篇史記不鳴則已一鳴驚人易乾鑿度天子三公九卿朱紱諸侯赤紱廣雅紱紱也漢書韋賢傳黼衣朱紱四牡龍旂顏師古註朱紱爲朱裳畫爲亞文也亞古弗字也故因謂之紱漢書百官公卿表凡吏秩比二千石以上皆銀印青綬顏師古註漢舊儀云銀印背龜鈕其文曰章謂刻曰某官之章也宋書銀章青綬莊子今吾朝受命而夕飲冰陸機詩予固水鄉士李善註水鄉謂吳也唐書地理志宣州南陵縣武德四年隸池州州廢來屬後析置義安縣又廢義安爲銅官治孔叢子吐言則天下之士莫不屬耳目世說註神猶淵鏡言必珠玉西京雜記淮南王安著鴻烈二十一篇自云字中皆挾風霜左傳投諸四裔以禦魑魅杜預註投棄也孔融詩歸家酒債多門客聚成行晉書肆一醉於崇朝飛千觴於長夜成公綬嘯賦悲

傷摧藏李善註摧藏自抑挫之貌明
發猶明晨也詳見二卷註絃音拂

贈常侍御

安石在東山無心濟天下一起振橫流功成復瀟灑大

賢有卷舒

繹本作舒卷

李葉輕風雅匡復屬何人君爲知音

者傳聞武安將氣振長平瓦燕趙期洗清周秦保宗社

登朝若有言爲訪南遷賈

傅亮修張良廟教夷項定漢大拯橫流呂向註橫流謂亂

也淮南子盈縮卷施與時變化蕭士贇曰葉世也季葉猶季世也孔融論盛孝章書惟公匡復漢室史記趙奢傳秦軍軍武安西秦軍鼓譟勒兵武安屋瓦盡振後奢子括長平之戰無振瓦事而庾信哀江南賦云碎於長

平之瓦周書云瓦震長平則趙分爲二兵出函谷則韓裂爲三未詳本何書太白此句蓋承二書之說而云耳不本史記也又武安將似指白起以起封武安君故也取以喻時之將帥燕趙皆爲祿山所據故期其洗清周地謂洛陽在唐爲東京秦地謂長安在唐爲西京宗廟社稷在焉故欲其保護安石東山事詳見七卷註賈誼南遷事詳見十卷註

贈易秀才

少年解長劍投贈即分離何不斷犀象精光暗往時蹉跎君自惜竄逐我因誰地遠虞翻老秋深宋玉悲空摧芳桂色不屈古松姿感激平生意勞歌寄此辭

步光之
劍陸斷

屏象見四卷註吳志虞翻性疏直數有酒失孫權積怒
非一遂徙翻交州雖處罪放而講學不倦門徒常數百
人在南十餘年年七十卒宋
玉九辯悲哉秋之爲氣也

經亂離後天恩流夜郎憶舊遊書懷贈江夏韋太

守良宰

唐時江夏郡乃鄂州也屬江南西道按方輿勝覽以贈此詩之韋太守爲韋景駿未

知何據

天上白玉京十二樓五城仙人撫我頂結髮受長生誤
逐世間樂頗窮理亂情九十六聖君浮雲挂空名天地
賭一擲未能忘戰爭試涉霸王畧將期軒冕榮時命乃

大謬棄之海上行學劍翻自哂爲文竟何成劍非萬人敵文竊四海聲兒戲不足道五噫出西京臨當欲去時慷慨淚沾纓嘆君侑儻才標舉冠羣英開筵引祖帳慰此遠徂征鞍馬若浮雲送余驃騎亭歌鐘不盡意白日

落昆明

五星經天上白玉京黃金闕抱朴子崑崙山上有五城十二樓應劭漢書註昆侖五城十

二樓仙人之所常居楊齊賢曰自秦始皇至唐玄宗中國傳緒之君凡九十有六華陽國志陳登曰雄姿傑出有霸王之畧吾敬劉玄德莊子古之所謂隱士者非伏其身而勿見也非閉其言而不出也非藏其知而不發也時命大謬也史記項籍少時學書不成去學劍又不成項梁怒之籍曰書足以記名姓而已劍一人敵不足

學學萬人敵後漢書梁鴻因東出關過京師作五噫之
歌曰陟彼北芒兮噫顧覽帝京兮噫宮室崔嵬兮噫人
之劬勞兮噫遼遼未央兮噫肅宗聞而非之求鴻不得
乃易姓運期名耀字侯光與妻子居齊魯之間晉書彬
彬藻思綽冠羣英祖帳祖席時所設之帳幕杜審言詩
祖帳連河闕軍麾動洛城陸機詩牽世纓時綱駕言遠
徂征驃騎亭玩詩意當在長安楊註以驃騎亭為謝安
建者恐誤國語女樂二八歌鐘二肆三輔黃圖漢昆明
池武帝元狩四年穿在長安西南周園四十里西南夷
傳曰天子遣使求身毒國市竹而為昆明所閉天子欲
伐之越雋昆明國有滇池方三百里故作昆明池以象
之以習水戰因名曰昆明池三輔舊事曰昆明池地三
百三十二頃圖曰上林苑有昆明池周園四十里到
里陝西通志昆明池在西安府城西南三十里十月到
幽州戈鋌若羅星君王棄北海掃地借長鯨呼吸走百

川燕然可摧傾心知不得語一作意却欲棲蓬瀛彎弧懼

天狼挾矢不敢張攬涕黃金臺呼天哭昭王無人貴駿

骨綠耳空騰驤樂毅儻再生于今亦奔亡蹉跎一作蒼茫不

得意驅馬過蕭本作還貴鄉逢君聽絃歌肅穆坐華堂百里

獨太古陶然臥羲皇徵樂昌樂館開筵列壺觴賢豪間

青娥對燭儼成行醉舞紛綺席清歌繞飛梁歡娛未終

朝秩滿一作解印歸咸陽祖道擁萬人供帳遙相望一別隔

千里榮枯異炎涼東都賦元戎竟野戈鋌彗雲說文鋌小予也揚雄羽獵賦煥若天星之羅

張銑註言如天星之羅列也陳琳瑪瑙勒賦駢居列峙
煥若羅星按唐書安祿山傳天寶元年以祿山爲平盧
節度使押兩番渤海黑水四府經畧使三載代裴寬爲
范陽節度仍領平盧軍則經畧威武清夷靜塞恒陽北
平高陽唐興橫海平盧盧龍十一軍及榆關守捉安東
都護府兵十三萬有奇皆其所統幽薊媯檀易恒定漢
滄營平十一州之地皆其所治矣幽州以北盡與祿山
所謂君王棄北海掃地借長鯨也宋書鬱孤躍馬務是
畋遊楚辭挾長矢兮射天狼王逸註天狼星名以喻貪
殘又楚辭思美人兮擘涕而竚眙戰國策郭隗對燕昭
王曰古之人君有以千金求千里馬者三年不能得涓
人言於君曰請求之君遣之三月得千里馬馬已死買
其骨五百金反以報君君大怒曰安事死馬而捐五百
金涓人對曰死馬且買五百金況生馬乎天下必以君
能市馬馬今至矣於是不能期年千里馬之至者三今
王誠欲致士先從隗始於是昭王爲隗築宮而師之樂

穀自魏往騶衍自齊往劇辛自趙往士爭湊燕水經註
桃林中多野馬造父於此得驊騮綠耳盜驪之乘以獻
周穆王使之馭以見西王母荀子驊騮驥驥離綠耳
此皆古之良馬也說文驊馬之低昂也西京賦乃奮翅
而騰驤元和郡縣志魏州有貴鄉縣太平御覽陸績別
傳曰太守王朗命爲功曹風化肅穆郡內大治嵇康琴
賦華堂曲宴鄭玄禮記註唐虞以上曰太古元和郡縣
志魏州有昌樂縣通典三十里置一驛其非通途大路
則曰館薛道衡詩佳麗儼成行江淹詩綺席生浮埃顏
師古漢書註綺文繒也即今之所謂綈綾也列子韓娥
東之齊置糧過雍門驚歌假食既去餘音繞梁攬三日
不絕高誘淮南子註旦至食時爲終朝秩滿俸滿也
漢書公卿大夫故人邑子設祖道供帳東都門外顏師
古註祖道餞行也駱賓王詩一朝殊語默千里異炎涼
炎涼幾度改九土中橫潰漢甲連胡兵沙塵暗雲海草

木搖殺氣星辰無光彩白骨成丘山蒼生竟何罪

蕭本

作幽

關壯帝居國命懸哥舒長戟三十萬開門納凶渠公

卿奴

蕭本作如

犬羊忠讜醞與菹二聖出游豫兩京遂丘墟

國語能平九土韋昭註九土九州之土也謝靈運詩天
地中橫潰李善註橫潰以水喻亂也抱朴子白骨成山
虛祭布野史記索隱顏師古曰今桃林縣南有洪湍澗
水即古之函關按山形如函故稱函關餘詳二卷五卷
註陳後主詩山河壯帝居唐書哥舒翰傳天寶十四載
祿山反封常清以王師敗帝乃召見翰拜太子先鋒兵
馬元帥以田良丘爲軍司馬蕭昕爲判官王思禮鉗耳
大福李承光高元蕩蘇法鼎管崇嗣爲屬將火拔歸仁
李武定渾萼契苾以本部隸麾下凡河隴朔方奴刺等
十二部兵二十萬守潼關師始東先驅牙旗觸門墮注

旄竿折衆惡之天子御勤政樓臨送詔翰以軍行過門
無下百官郊餞旌旗亘二百里明年祿山遣子慶緒攻
關翰擊走之賊將崔乾祐守陝郡仆旗鼓羸師以誘戰
覘者曰賊無備可圖也帝信之使者趣戰項背相望翰
窘不知所出六月引而東慟哭出關次靈寶西原與乾
祐戰大敗翰引數百騎絕河還營羸兵纔八千至潼津
收散卒復守關乾祐進攻於是火拔歸仁等給翰出關
執以降賊械送洛陽京師震動由是天子西幸魏樂府
賊衆如犬羊北史譏諸甘心忠讜息義三國帝子許專
志註遂集矢石於其宮殿而二京爲之丘墟

征秉旄控強楚節制非桓文軍師擁熊虎人心失去就
賊勢騰風雨惟君固房陵誠節冠終古僕臥香爐頂食
霞噉瑤泉門開九江轉枕下五湖連半夜水軍來尋陽

滿旌旃空名適自誤迫脅上樓船徒賜五百金棄之若
浮烟辭官不受賞翻謫夜郎天夜郎萬里道西上令人
老掃蕩六合清仍爲負霜草日月無偏照何由訴蒼昊

良牧稱神明深仁恤交道

王勃龍懷寺碑蜀王秀以文昭建國帝子專征梁書授以

上將任以專征書牧誓王左杖黃鉞右秉白旄以麾庾信詩置酒仍開幕麾軍即秉旄說文控引也荀子秦之銳士不可以敵桓文之節制漢書至於齊桓晉文之兵可謂入其域而有節制矣尚書如虎如貔如熊如羆後漢書岑彭傳晨夜倍道兼行二千餘里徑拔武陽使精騎馳廣都去成都數十里勢若風雨所至皆奔散唐時房陵郡屬山南東道即房州也劉孝標世說註終古往古也遠法師廬山記東南有香爐山孤峰秀起游氣籠

其上則氣氤氳若香烟白雲映其外則炳然與眾峰殊別
又記云眾嶺中第三嶺極高峻太史公東遊登其峯而
遐觀南眺五湖北望九江東西肆目若陟天庭焉嵇康
詩豈若翔區外飡瓊漱朝霞陶潛詩於我若浮烟元和
郡縣志夜郎西北至上都五千五百五十里曰萬里者
甚言其遠也徐幹詩我我高山首悠悠萬里道君去日
已遠鬱結令人老十六國春秋掃蕩萬里今其時也禮
記日月無私照北史崔士諱授江陵總管荊州刺史外
禦強敵內撫軍人風化大行號稱良牧漢書班伯爲定襄太守郡中震慄咸稱神明一黍青雲客

三登黃鶴樓顧慙福處士虛對鸚鵡洲樊

一作樊誤

山霸氣

盡寥落天地秋

一作彤襜冠白筆典氣凌清秋

江帶峨眉雪川橫

一作橫穿

三峽流萬舸此中來連帆過揚州送此萬里目曠然散

我一作煩愁紗窓倚天開水樹綠一作綠樹如髮窺日光一作畏

銜山促酒喜得一作見月吳娃與越艷窈窕誇鉛紅呼來

上雲梯含笑出簾櫳對客小垂手羅衣舞春風賓跪請

休息主人情未極覽君荆山作江鮑堪動色清水出芙

蓉天然去雕飾逸興橫素襟無時不招尋朱門一作施擁

虎士列戟何森森剪鑿竹石開縈流漲清深登樓一作臺

坐一作入水閣吐論多英一作奇音片辭貴白璧一諾輕黃

金謂我不媿君青鳥一作鸞明一作蕭本丹心黃鶴樓見八卷註昭明文選補

衡鸚鵡賦序黃祖太子射賓客大會有獻鸚鵡者舉酒
於衡前曰禰處士今日無用娛賓竊以此鳥自遠而至
明慧聰善羽族之可貴願先生爲之賦使四座咸共榮
觀不亦可乎衡因爲賦筆不停綴文不加點太平寰宇
記鸚鵡洲在大江東江夏縣西南二里西過此洲從北
頭七十步大江中流與漢陽縣分界後漢書云黃祖爲
江夏太守時祖長子射大會賓客有獻鸚鵡於此洲故
得名元和郡縣志樊山在鄂州武昌縣西三里謝玄暉
詩曰釣臺臨講閱樊山開廣宴謂此也太平御覽江夏
圖經云樊山西陸路去州一百七十三里出紫石英山
東數十步有岡岡上甚平故青松綠竹常自蔚然其下
有寒溪夏時凜然常有寒氣故謂之寒溪有嵎龍石王
勃江寧餞宴序霸氣盡而江山空皇風清而市朝改三
峽記峨嵋積雪經時不散峨嵋山乃岷山之一支也峰
巒高峻上極寒冷春積雪雖經風日不能消釋入夏
始得融泮流入岷江經三峽而下清流爲之變色胡三

省通鑑註江水自巴東至夷陵其間有廣溪峽巫峽西陵峽謂之三峽一曰三峽西峽歸峽巫峽七百里中兩岸連山畧無闕處隱天蔽日自非日中夜分不見日月廣韻楚以大船曰舸陸放翁入蜀記至鄂州泊稅務亭賈船客舫不可勝計銜尾不絕者數里自京口以西皆不及李太白贈江夏韋太守詩曰萬舸此中來連帆過揚州蓋此地自唐爲衝要之地王勃採蓮賦吳娃越艷鄭婉秦妍說文吳楚之間謂好曰娃後漢書入則亂髮壞形出則窈窕作態章懷太子註窈窕妖冶之貌也方言美心爲窈美狀爲窕鉛粉也紅朱也謝惠連詩升月照簾櫳李周翰註櫳窓也說文櫳房室之疏也樂府雜錄舞者樂之容也有大垂手小垂手或如驚鴻或如飛燕樂府詩集大垂手小垂手皆言舞而垂其手也吳均曲云垂手忽迢迢飛燕掌中嬌羅衫恣風引輕帶任情搖又云舞女出西秦躡影舞陽春且復小垂手廣袖拂紅塵禮記容跪撫席而辭江鮑江淹鮑照也鍾嶸詩品

謝詩如芙蓉出水江淹詩敢不自彫飾王僧達詩清氣
溢素襟虎士出周禮已見八卷註中華古今註載以木
爲之後世刻爲無復典型赤油韜之亦謂之廸戟亦謂
之榮戟王公以下通用以爲前驅唐五品以上皆施榮
戟於門唐書百官志凡戟一品之門十六二品及京兆
河南太原尹大都督大都護之門十四三品及上都督
中都督上都護上州之門十二下都督下都護中州下
州之門各十衣幡壞者五歲一易之薨卒者既葬追還
漢紀季布立然諾之信時人爲之語曰得黃金百鎰不
如季布一諾阮籍詩誰言不可見青鳥明我心宋書重披
丹心冒昧以請 稱乃里切音你或作
桃音讀者誤舛音歌又音舒娃音蛙 五色雲間鵲飛

鳴天上來傳聞赦書至却放夜郎迴暖氣變寒谷炎烟

生死灰君登鳳池去勿

蕭本作忽

棄賈生才桀犬尚吠堯

奴笑千秋中夜四五嘆常爲大國憂旌旆夾兩山黃河

當中流連雞不得進飲馬空夷猶安得羿善射一箭落

旄頭

歲華紀麗劉向別錄曰燕地寒谷不生五穀鄒衍吹律呂以暖之溫風至五穀生因名黍谷史記韓

安國坐法抵罪蒙獄吏田甲辱安國安國曰死灰獨不復然乎田甲曰然即溺之居無何梁內史闕漢使使者拜安國爲梁內史起徙中爲二千石通典魏晉以來中書監令掌贊詔命記會時事興作文書以其地在樞近多承寵任是以人固其位謂之鳳凰池焉史記桀之犬可使吠堯漢書車千秋無他材能學術又無伐閱功勞特以一言悟主旬月取宰相封侯世未嘗有也後漢使者至匈奴單于問曰聞漢新拜丞相何用得之使者曰以上書言事故單于曰苟如是漢置丞相非用賢也妄一男子上書即得之矣左傳今王室實蠹蠹焉吾小國

懼矣然大國之憂也戰國策諸侯不可一猶連雞之不能俱止於栖亦明矣左傳將飲馬於河而歸楚辭君不行兮夷猶王逸註夷猶猶豫也架犬喻賊將若史思明輩千秋喻宰相若苗晉卿王璵輩兩山太華山首陽山夾黃河之二山也連雞喻當時諸節度使輩漢書鼎曰旄頭胡星也

江夏使君叔席上贈史郎中

鳳凰丹禁裏銜出紫泥書昔放三湘去今還萬死餘仙郎久爲別客舍問何如涸轍思流水浮雲失舊居多慙

華省貴不以逐臣踈復如竹林下而

蕭本作叨

陪芳宴初希

君生羽翼一化北溟魚

鳳凰銜詔事已見五卷註潛確居類書天子所居曰禁以丹塗

壁故曰丹禁亦曰紫禁元和郡縣志武都有紫水泥亦
紫漢朝封璽書用紫泥即此水之泥也三湘詳見悲清
秋賦註莊子周昨來有中道而呼者周顧視車轍中有
鮒魚焉曰我東海之波臣也君豈有升斗之水而活我
哉潘岳秋興賦獨輾轉乎華省晉書阮咸任達不拘與
叔父籍爲竹林之遊北溟有魚其名爲鯢詳見大鵬賦
註

博平

蕭本作晉

鄭太守自廬山千里相尋入江夏北市

門見訪却之武陵立馬贈別

唐時博平郡即博州也隸河北道武陵郡

即朗州也隸山南東道元和郡縣志廬山在江州潯陽縣東三十二里本名鄣山昔有匡俗字子孝隱淪潛景廬於此山漢武帝拜爲大明公俗號廬君故山取號周環五百餘里

大梁貴公子氣蓋蒼梧雲若無三千客誰道信陵君救
趙復存魏英威天下聞邯鄲能屈節訪博從毛薛夷門
得隱淪而與侯生親仍要鼓刀者乃是袖鉞人好士不
盡心何能保其身多君重然諾意氣遙相託五馬入市
門金鞍照城郭都忘虎竹貴且與荷衣樂去去桃花源
何時見歸軒相思無終極腸斷朗江陵一作猿歸藏曰有
白雲出自
蒼梧入於大梁史記信陵君傳公子雷趙聞趙有處士
毛公藏於博徒薛公藏於賣漿家公子欲見兩人兩人
自匿不肯見公子聞所在乃閒步往從此兩人游甚歡
公子雷趙十年不歸秦日夜出兵東伐魏魏王患之使

使往請公子公子恐其怒之誠門下有敢爲魏王使通者死毛公薛公往見公子曰秦攻魏魏急而公子不恤使秦破大梁而夷先王之宗廟公子當何面目立天下乎語未及卒公子立變色告車趣駕歸救魏魏王以上將軍印授公子公子率五國之兵破秦軍於河外乘勝逐秦軍至函谷關秦兵不敢出當是時公子威振天下其用夷門隱士侯生策使朱亥袖鐵椎椎殺晉鄙奪其軍進擊秦兵以救邯鄲存趙事詳見三卷註江淹詩延陵輕寶劍季布重然諾五馬見六卷註梁簡文帝詩金鞍照龍馬虎竹見五卷註楚辭荷衣兮蕙帶桃花源在武陵詳見二卷註梁昭明太子詩相思無終極長夜起嘆息方興勝覽朗水在常德府武陵縣其水西南自辰錦州入郡界經郡城入大江謂之朗江

江上贈竇長史

長史已見
七卷註

漢求季布魯朱家楚逐伍胥去章華萬里南遷夜郎國

三年歸及長風沙聞道青雲貴公子錦帆遊戲

繆本作奕

西

江水人疑天上坐樓船水淨霞明兩重綺相約相期何

太深棹歌搖艇月中尋不同珠履三千客別欲論交一

片心

史記季布爲氣任俠有名於楚項籍使將兵數窘漢王及項羽滅高祖購求布千金敢有舍匿罪及

三族季布匿濮陽周氏周氏曰漢購將軍急迹且至臣家將軍能聽臣臣敢獻計即不能願先自到季布許之

乃髡鉗季布衣褐衣置廣柳車中并與其家僮數十人之魯朱家所賣之朱家心知是季布乃買而置之田誠

其子曰田事聽此奴必與同食朱家乃乘軺車之洛陽見汝陰侯滕公滕公心知朱家大俠意季布匿其所待

間果言如朱家指上乃赦季布又史記楚平王囚伍奢而召其二子伍尚遂歸伍胥彎弓屬矢出見使者曰父有何罪以召其子爲將射使者還走遂出奔吳章華臺詳見一卷註臺在楚地伍胥自楚出奔故曰去章華也華陽國志夜郎郡夜郎國也屬縣二千戶楊齊賢曰池州雁汊下八十里有長風沙江南通志長風沙在安慶府東六十里李白泊此作長干行陰鏗詩平湖錦帆張南史樊猛領青龍八十艘爲水軍於白下游奕以禦隋六合兵湖廣通志西江水在安陸府景陵縣境乃襄江之一派沈佺期詩人疑天上坐魚似鏡中懸西京賦齊棹女縱棹歌李善註棹歌引棹而歌也說文艇小舟也史記春申君客三千餘人其上客皆躡珠履

贈王漢陽

唐沔州漢陽郡有漢陽縣屬江南西道

天落白

一作上墮

玉棺王喬辭葉

蕭本作鄴誤

縣一去未千年漢

陽復相見猶乘飛鳧尚識仙人面鬢髮何青青童顏
皎如練吾曾弄海水清淺嗟三變果慙麻姑言時光速
流電與君數杯酒可以窮歡宴白雲歸去來何事坐交

戰

後漢書王喬者河東人顯宗世爲葉令喬有神術每
月朔望常自縣詣臺朝帝怪其來數而不見車騎密

令太史伺望之言其臨至輒有雙鳧從東南飛來於是
候鳧至舉羅張之言但得一雙鳧焉乃詔上方診視則四
年中所賜尚書官屬履也後天下王棺於堂前吏人推
排終不動搖喬曰天帝獨召我耶乃沐浴服飾寢其中
蓋便立覆宿昔葬於城東土自成墳其夕縣中牛皆流
汗喘乏而人無知者百姓乃爲立廟號葉君祠神仙傳
於往日陶潛詩以來見東海三爲桑田向到蓬萊水又淺

戰道勝無戚
顏 愜音怯

贈漢陽輔錄事二首

唐時刺史屬官司馬之下有錄事參軍事上州者從七品

中州者正八品下州者從八品有錄事皆從九品每縣亦有錄事在丞尉之下則流外官也

聞君罷官意我抱漢川湄借問久疎索何如聽訟時天

清江月白心靜海鷗知應念投沙客空餘弔屈悲

風俗通賈

誼爲長沙太傅既之官內不自得及渡湘水投弔書曰聞葺尊顯佞諛得志以哀屈原離讒邪之咎亦因自傷爲鄧通等所愬也投沙詳見十卷贈崔秋浦第三首註

其二

鸚鵡洲橫漢陽渡水引寒烟沒江樹南浦登樓不見君
君今罷官在何處漢口雙魚白錦鱗令傳尺素報情人

其中字數無

蕭本作何

多少祇是相思秋復春

潛確類書云鸚鵡洲在湖

廣漢陽渡之上稱衡嘗作鸚鵡賦後埋玉於此故名洲雖跨漢江而尾連黃鶴磯故圖經屬武昌郡云秋水漲盛時隱沒不見至水落乃出一統志漢陽渡在漢陽府城東南浦在武昌府城南三里漢口在大別山北即漢水與涓水合流入江處胡三省通鑑註漢口漢水入江之口其地在鄂州漢陽縣東大別山下楊升菴曰古樂府尺素如殘雪結成雙鯉魚要知心裏事看取腹中書據此詩古人尺素結爲鯉魚形即織也文選客從遠方來遺我雙鯉魚即此事也下云呼兒烹鯉魚中有尺素書亦譬況之言非真烹也五臣及劉履謂古人多於魚

腹寄書引陳涉罩魚倡禍
事證之何異痴人說夢

江夏贈韋南陵冰

唐宣城郡有南陵縣隸江南西道

胡驕馬驚沙塵起胡雛

繆本作騶

飲馬天津水君爲張掖近

酒泉我竄三巴九千里天地再新法令寬夜郎遷客帶

霜寒西憶故人不可見東風吹夢到長安寧期此地忽

相遇驚喜茫如墮烟霧玉簫金管喧四筵苦心不得申長

一作

句昨日繡衣傾綠樽病如桃李竟何言昔騎天子

大宛馬今乘欸段諸侯門賴遇南平豁方寸復兼夫子

持清論有似山開萬里雲四望青天解人悶人悶還心
悶苦辛長苦辛愁來飲酒二千石寒灰重暖生陽春山
公醉後能騎馬別是風流賢主人頭陀雲月多僧氣山
水何曾稱人意不然一作能鳴笳按鼓戲滄流呼取江南

女兒歌棹謳我且爲君搥碎黃鶴樓君亦爲吾倒却鸚

鵒洲赤壁爭雄如夢裏且須歌舞寬離憂

漢書孝惠高后時冒頓寢

驕驕矜傲之意晉書石勒年十四隨邑人行販洛陽倚
嘯上東門王衍見而異之顧謂左右曰向者胡雛吾觀
其聲視有奇志恐將爲天下之患馳遣收之會勒已去
漢書狂夫鳴譟於東崖匈奴飲馬於渭水唐時張掖郡

甘州也酒泉郡肅州也俱屬隴右道通典張掖郡西到
酒泉郡四百二十里三巴詳見四卷註太白雖流夜郎
然甫至三巴而遇赦故曰我竄三巴九千里江淹恨賦
遷客海上漢書百官公卿表侍御史有繡衣直指出討
奸猾治大獄顏師古註衣以繡者尊寵之也沈約詩憂
來命綠樽漢書桃李不言下自成蹊史記大宛多善馬
馬汗血言其先天馬子也後漢書東下澤車御歛段馬
章懷太子註歛猶緩也言形段遲緩也南平謂南平太
守李之遙也開雲望青天用衛瓘美樂廣語已見八卷
註寒灰重暖用韓安國語已見本卷註山公醉後騎馬
事見五卷註楊齊賢曰頭陀寺在鄂州宋大明五年建
天竺言頭陀此言抖擻抖擻煩惱也元和郡縣志頭陀
寺在鄂州江夏縣東南二里陸放翁入蜀記頭陀寺在
鄂州城之東隅石城山方輿勝覽頭陀寺在黃鶴山上
自南齊王少作碑遂爲古今名利謝靈運詩鳴笳發春
渚李周翰註笳簫也楚辭敝鐘按鼓造新歌些劉良註

按猶擊也蜀都賦吹洞簫發棹謳劉淵林註棹謳鼓棹而歌也黃鶴樓見八卷註鸛鵒洲見前首註華陽國志孫權遣周瑜程普水軍三萬助先主拒曹公大破公軍於赤壁焚其舟船曹公引歸楊齊賢曰赤壁磯與百人山對峙在今鄂州上流八十里

贈盧司戶

秋色無遠近出門盡寒山白雲遙相識待我蒼梧間借

問盧耽鶴西飛幾歲還

水經註鄧德明南康記曰昔有盧耽仕州爲治中少棲仙術善

解雲飛每夕輒凌虛歸家曉則還州嘗於元會至朝不及朝列化爲白鶴至閣前回翔欲下威儀以石擲之得一隻履耽驚還就列內外左右莫不駭異

贈從弟南平太守之遙二首

唐時南平郡即渝州也先名巴郡天寶元

年更名隸

劍南道

少年不得

繆本作意

落魄

繆本作拓

無安居願隨任公子欲釣

吞舟魚常時飲酒逐風景壯心遂與功名疎蘭生谷底

人不鋤雲在高山空卷舒漢家天子馳駟馬赤車蜀道

迎相如天門九重謁聖人龍顏一解四海春彤庭左右

呼萬歲拜賀明主收沉淪翰林秉筆迴英盼麟閣崢嶸

誰可見承恩初入銀臺門

一作侍從甘泉宮

著書獨在金鑾殿

龍駒雕鏤白玉鞍象牀綺席

一作食

黃金盤當時笑我微

賤者却來請謁爲交歡一朝謝病游江海疇昔相知幾

人在前門長揖後門闌今日結交明日改愛君山嶽心

不移隨君雲霧迷所爲夢得池塘生春草使我長價登

樓詩別後遙傳臨海作可見羊何共和之

史記酈生家貧落魄無以

爲衣食業莊子任公子投竿東海釣得大魚見大鵬賦

註三國志芳蘭生門不得不鋤司馬相如赤車駟馬事

見四卷註鄭玄禮記註天子九門路門也應門也雉門也庫門也臯門也城門也近郊門也遠郊門也闕門也

列子夫子始一解顏而笑形庭天子之庭以朱漆飾之也詳見明堂賦註夢溪筆談唐翰林院在禁中乃人主

燕居之所玉堂承明金鑾殿皆在其間應供奉之人自
學士以下工役羣官司隸籍其間皆稱翰林如今之翰
林醫官翰林待詔之類是也謝朓詩俯仰流英盼初學
記漢西京未央宮中有麒麟閣亦藏秘書即揚雄校書之
處也石林燕語唐翰林院在銀臺門之北玉海兩京記
大明宮紫宸殿北曰蓬萊殿其西曰還周殿還周西北
曰金鑾殿殿旁坡名金鑾坡又云金鑾殿在蓬萊正西
微南徐陵詩白馬號龍駒吳均詩白玉鏤衙鞍綺席見
十一卷註疇昔前日也見九卷註三國志由夷逸採山
岳不移南史謝惠連年十歲能屬文族兄靈運嘉賞之
云每有篇章對惠連輒得佳語嘗於永嘉西堂思詩竟
日不就忽夢見惠連即得池塘生春草大以爲工嘗曰
此語有神助非吾語也按池塘生春草句乃靈運登池
上樓詩故曰長價登樓詩靈運又有登臨海嶠初發強
中作與從弟惠連可見羊何共和之詩一首臨海晉時
郡名即今台州也羊何謂泰山羊璿之東海何長瑜與

靈運惠連以文章賞會共爲山
澤之遊 鐙丁鄧切登上聲

其二

東平與南平今古兩步兵素心愛美酒不是顧專城謫
官桃源去尋花幾處行秦人如舊識出戶笑相迎

太白自註

南平時因飲酒過度貶武陵李善文選註臧榮緒晉書
曰阮籍拜東平相不以政事爲務沉醉日多晉書阮籍
聞步兵厨人善釀有貯酒三百斛乃求爲步兵校尉江
淹詩素心正如此李善註素本也專城謂縣令得專主
一城政事者也古陌上桑詞三十侍中郎
四十專城居桃源在武陵詳見二卷註

贈潘侍御論錢少陽

繡衣柱史何昂藏鐵冠白筆橫秋霜三軍論事多引納

堦前虎士羅干將雖無二十五老者且有一翁錢少陽

眉如松雪齊四皓調笑可以安儲皇君能禮此最下士

九州拭目瞻清光

漢書王賀爲武帝繡衣御史逐捕魏郡羣盜堅盧等黨與通典漢武帝時

侍御史又有繡衣直指者出討奸猾理大獄而不常置初學記漢官儀曰侍御史周官也爲柱下史冠法冠一名柱後以鐵爲柱言其審固不撓常清峻也魏畧曰帝嘗大會殿中御史簪白筆側階而坐上問左右此爲何官何主左右不對辛毗曰此爲御史舊時簪筆以奏不法今者直備官但眊筆耳陸機孝侯周處碑汪洋延闕之旁昂藏寮采之上虎士出周禮見八卷註吳越春秋吳闔閭請干將作名劍二枚干將妻斷髮剪爪投於爐

遂以成劍陽曰干將陰曰莫耶陽作龜文陰作漫理又子虛賦建干將之雄戟張揖註干將韓王劍師雄戟胡予有能者干將所造則戟亦可稱干將矣說苑公子推行年十五而相荆仲尼聞之使人往視還曰廊下有二十五俊士堂上有二十五老人仲尼曰合二十五人之智智於湯武并二十五人之力力於彭祖以治天下其固免矣乎史記四皓保護太子事見四卷註謝瞻詩定都護儲皇三國志四海延頸八方拭目

贈柳圓

竹實滿秋浦

蕭本作圓

鳳來何苦飢還同月下鵲三繞未安

枝夫子即瓊樹傾柯拂羽儀懷君戀明德歸去日相思

陸璣詩疏鳳凰一名鷖非梧桐不棲非竹實不食非醴泉不飲魏武帝短歌行月明星稀烏鵲南飛繞樹三匝

何枝可依瓊樹即瓊枝也以瓊琳琅玕爲實鳳凰食之
詳見二卷註中謝靈運詩傾柯引弱枝攀條摘蕙草

流夜郎半道承恩放還兼欣尅復之美書懷示息

秀才

黃口爲人羅白龍乃魚服得罪豈怨天以愚陷網目鯨

鯢未翦滅豺狼屢翻覆悲作楚地囚何由

蕭本作日

秦庭哭

遭逢二明主前後兩遷逐去國愁夜郎投身竄荒谷半

道雪屯蒙曠如鳥出籠遙欣尅復美光武安可同天子

巡劍閣儲皇守扶風揚袂正北辰開襟攬羣雄胡兵出

月窟雷破闌之東左掃因右拂旋收洛陽宮迴輿入咸

京席卷六合通叱咤開帝業

一作字

手成天地功大駕還

長安兩日忽再中一朝讓賢位劍璽傳無窮媿無秋毫

力誰念矍鑠翁弋者何所慕高飛仰冥鴻棄劍學丹砂

臨爐雙玉童寄言息夫子歲晚陟方蓬

家語孔子見羅雀者所得皆黃

口小雀問之曰大雀獨不得何也羅者曰大雀善驚而難得黃口貪食而易得黃口雀之初生其吻尚帶黃色者也東京賦白龍魚服見困豫且事詳六卷註王融策秀才文爲網羅之目尚簡李周翰註目網孔也梁書宗社綴旒鯨鯢未翦曹罔六代論掃陰兇逆翦滅鯨鯢李周翰註鯨鯢大魚吞食小魚者以喻不義人也鮑照詩

邊塵屢翻覆吳越春秋申包胥乃之於秦求救楚晝馳
夜趨足踵跡劈裂裳裹膝鶴倚哭於秦庭七日七夜口
不絕聲二明主謂立宗肅宗太白前事明皇被讒遭逐
後值肅宗坐累遠流所謂兩遷逐也庾信哀江南賦序
予乃竄身荒谷公私塗炭楊素詩在昔天地閉品物屬
屯蒙屯蒙者艱難蒙晦之義楞嚴經遠離三有如鳥出
籠劍閣入蜀之險道已見前註時明皇幸蜀故曰天子
巡劍閣至德元載七月改扶風爲鳳翔郡二載二月肅
宗幸鳳翔至十月兩京克復始自鳳翔還長安駐兵扶
風者凡十月故曰儲皇守扶風初學記荊州星占曰北
辰一名天闕一名北極北極者紫宮太一座也此以喻
天子之位晉書張賓謙虛敬慎開襟下士士無賢不肖
造之者莫不得盡其情後漢書鄧禹傳於今之計莫如
延攬英雄舊唐書郭子儀傳二年九月從元帥廣平王
率蕃漢之師十五萬進收長安迴紇遣葉護太子領四
千騎助國討賊子儀與葉護宴狎修好誓平國難相得

甚歡子儀與賊將安守忠李歸仁戰於京西香積寺之北王師結陣橫亘三十里賊衆十萬陣於北迴紇以奇兵出賊陣之後夾攻之賊軍大潰自午至酉斬首六萬級賊將張通儒守長安聞歸仁等敗夜奔陝郡翌日廣平王入京師老幼百萬夾道歡呼涕泣而言曰不圖今日復見官軍廣平王休士三日率師東趣十月安慶緒遣嚴莊悉其衆十萬來赴與張通儒同抗官軍屯於陝西負山爲陣子儀以大軍擊其前迴紇登山東其背遇賊潛師於山中與鬪過期大軍稍却賊分兵三千人絕我歸路子儀麾迴紇令進盡殺之師馳至其後於黃埃中發十餘矢賊驚顧曰迴紇來即時大敗僵尸徧山澤嚴莊張通儒走歸洛陽遂與安慶緒渡河保相州子儀奉廣平王入東都陳兵於天津橋士庶歡呼於路肅宗紀至德二載十月癸亥上自鳳翔還京遣太子太師韋見素入蜀迎上皇丙寅至望賢宮得東京捷書上大喜丁卯入長安士庶涕泣拜忭曰不圖復見吾君十二月

丙午上皇至自蜀上至望賢宮奉迎上皇御宮南樓上望樓辟易下馬趨進再拜蹈舞稱慶上皇下樓上匍匐奉上皇足涕泗鳴咽不能自勝遂扶侍上皇御殿親自進食自御馬以進上皇上馬又躬攬轡而行止之後退上皇曰吾享國長久吾不知貴見吾兒爲天子吾知貴矣上乘馬前導自開遠門至丹鳳門旗幟燭天綵棚夾道士庶抃舞路側皆曰不圖今日再見二聖百僚班於含元殿庭上皇御殿左相苗晉卿率百辟稱賀上皇詣長樂殿謁九廟神主即日幸興慶宮上請歸東宮上皇遣高力士再三慰譬而止十二月甲子上皇御宣政殿授上傅國璽上于殿下涕泣而受之史記席卷天下包舉宇內字林叱咤發怒也漢書五載而成帝業國語夫成天地之大功者其子孫未嘗不章虞夏商周是也蔡邕獨斷大駕則公卿奉引大將軍參乘太僕御屬車八十一乘備千乘萬騎在長安出祀天於甘泉備之西京賦云大駕幸乎平樂之館呂延濟註大駕天子駕也蓋

後人泛指天子之駕爲大駕易解終備日再中烏連嬉
仁聖出握知時封禪書新垣平言臣候日再中居頃之
日却復中周易聖人之大寶曰位西京雜記漢帝相傳
以秦王子嬰所奉白玉璽高帝斬白蛇劍後漢書武威
將軍劉尚擊武陵五溪蠻夷深入軍沒馬援因復請行
時年六十二帝愍其老未許之援自請曰臣尚能披甲
上馬帝令試之援據鞍顧盼以示可用帝笑曰矍鑠哉
是翁也章懷太子註矍鑠勇貌又逸民傳揚雄曰鴻飛
冥冥弋者何篡焉言其遠患之遠也章懷太子註篡字
諸本或作篡法言作篡宋衷曰篡取也鴻高飛冥冥薄
天雖有七人何所施巧而取焉喻賢者隱處不
罹暴亂之害也方蓬方丈蓬萊海中二神山也

贈張相鎬二首

時逃難病在宿松山作蕭本缺病
字舊唐書張鎬博州人風儀魁

岸廓落有大志涉獵經史好談王霸大畧天寶末
自褐衣拜左拾遺玄宗幸蜀鎬自山谷徒步扈從

肅宗即位玄宗遣錡赴行在所錡至鳳翔奏議多有弘益拜諫議大夫尋遷中書侍郎同中書門下平章事時方興軍戎帝注意將帥以錡有文武才業命兼河南節度使持節都統淮南等道諸軍事及收復兩京加錡銀青光祿大夫封南陽郡公以本軍駐汴州招討殘孽

神器難竊弄天狼窺紫宸六龍遷

一作駕

白日四海

一作九落

暗胡塵昊穹降元宰君子方經綸澹然養浩氣歟起持

大

繆本
作天

鈞秀骨象山岳英謀合鬼神佐漢解鴻門生唐

爲後身

一作興唐思退身
一作功成思退身

擁旄秉金鉞伐鼓乘朱輪虎

將如雷霆

一作電

總戎向東巡諸侯拜馬首猛士騎鯨鱗

澤被魚鳥悅令行草木春聖智

一作逢聖

不失時建功及良

辰醜虜安足紀可貽惆與巾倒瀉溟海珠盡爲入幕珍

馮異獻赤伏鄧生歟

蕭本作倏

來臻庶同昆陽舉再覩漢儀

新

東京賦巨猾問豐竊弄神器薛綜註神器帝位也天狼謂狼星也見十一卷註曹植卞太后誄龍飛紫宸

奄有九土蠡海集天子之居曰紫宸六龍駕日車者也詳見三卷註晉書昔者幽后不綱胡塵暗於戲水封禪書肇自昊穹生民顏師古曰昊穹皆謂天也顯言氣顓汗也穹言形穹隆也王融曲水詩序元宰比肩於尚父中鉉繼踵於周南李善註元宰冢宰也周易雲雷屯君子以經綸北史陛下不以劉裕赦起納其使貢唐書張

鎬興布衣不數年位將相獨孤及唐故洪州刺史張公鎬遺愛頌隱居南山蓋三十期天寶十四年始褐衣召

見由是一命左拾遺再命右補闕修國史三命侍御史
四命諫議大夫五命中書侍郎同中書門下平章事起
布衣二年綰相印佐王業明教之盛耀動古今於時至
德二載也周書英謀電發神旆風馳漢書項羽至戲西
鴻門聞沛公欲王關中獨有秦府庫珍寶亞父范增勸
羽擊沛公饗士旦日合戰羽季父項伯素善張良良時
從沛公項伯夜以語良良與俱見沛公因伯自解於羽
明日沛公從百餘騎至鴻門謝羽自陳封秦府庫還軍
霸上以待大王閉關以備他盜不敢背德羽意已解范
增欲害沛公賴張良樊噲得免唐書肅宗本紀至德二
載五月丁巳諫議大夫張鎬爲中書侍郎同中書門下
平章事八月甲申張鎬兼河南節度使都統淮南諸軍
事十一月張鎬率四鎮伊西北庭行營兵馬使李嗣業
陝西節度使來瑱河南都知兵馬使嗣吳王祇克河南
郡縣班固涿邪山祝文杖節擁旄鉦人伐鼓任昉宣德
皇后令擁旄司部李周翰註擁持也旄旌旗之屬以麾

衆者也古今註大將軍出征特加黃鉞者以銅爲之黃金塗刃及柄不得純金得賜黃鉞則斬持節將陸雲吳故丞相陸公誅金鉞鏡日雲旗絳天冊府元龜天寶元年正月一日改元詔曰文宣垂訓事必正名黃鉞古者以金爲飾金者應五行之數布肅殺之威去金稱黃理或未當其黃鉞宜改爲金鉞符威武之意焉詩小雅伐鼓淵淵又大雅如雷如霆徐方震驚魏書奉律總戎廓寧淮右羽獵賦乘巨鱗騎鯨魚史記智者不失時王者不絕世詩大雅仍執醜虜通鑑司馬懿與諸葛亮相守百餘日亮數挑戰懿不出亮乃遺懿巾幘婦人之服懿怒上表請戰亮曰彼本無戰情所以固請戰者以示武於其衆耳胡三省註劉昭註補與服志公卿列侯夫人紺繒幘蓋婦人首飾之稱獨孤及張公鎬遺愛碑昏選乃僚必國之良有若博陵崔賁昌黎韓洄趙郡李惟岳北海王士華河間邢宙河東裴孝智隴西李道皆卿材也以嘉言碩畫參公軍事晉書謝安與王坦之嘗詣桓

溫論事溫令邾超帳中臥聽之風動帳開安笑曰邾生可謂入幕之賓矣後漢紀蕭王至中山羣臣上尊號王不聽諸將固請王召馮異問以羣臣之議異曰三王背叛更始敗亡天下無主宗廟之憂在於大王宜從衆議上以安社稷下以濟百姓王曰我昨夢乘赤龍上天覺悟心中悸動此何祥也異再拜賀曰此天命發於精神心中悸動大王重慎之至也會諸生彊華自長安奉赤伏符詣鄴羣臣復請曰受命之符人應爲大今萬里合信周之白魚焉足比乎符瑞昭晰宜答天神以光上帝六月己未即皇帝位於鄴後漢書鄧禹傳禹聞光武安集河北即杖策北渡追及於鄴光武見之甚歡漢書王莽傳莽遣大司空王邑馳傳之洛陽與司徒王尋發衆郡兵百萬平定山東邑至洛陽州郡各選精兵牧守自將定會者四十二萬人餘在道不絕車甲士馬之盛自古出師未嘗有也六月邑與尋發洛陽欲至宛道出潁川過昆陽昆陽時已降漢漢兵守之二公縱兵圍昆陽

欽定四庫全書

卷十一

世祖悉發鄆定陵數千人來救昆陽尋邑易之自將萬
餘人行陣救諸營皆按部毋得動獨迎與漢兵戰不
利大軍不敢擅相救漢兵乘勝殺尋昆陽中兵出並戰
邑走軍亂天風蜚瓦雨如注水大衆崩壞號譟虎豹股
慄士卒奔走各還歸其郡後漢書光武帝紀時三輔吏
士東迎更始見諸將過皆冠幘而衣婦人衣諸于繡驅
莫不笑之或有畏而走者及見司隸僚屬皆歡喜不自
勝老吏或垂涕曰不圖今日復見漢官威儀 歟音忽

昔爲管將鮑中奔吳隔秦一生欲報主百代期榮親其

事竟不就哀哉難重陳臥病宿松山

繆本作松山古松滋

蒼茫

繆本作山

空四鄰風雲激壯志枯槁驚常倫聞君自天來目張氣

益振亞夫得劇孟敵

一作七

國空

一作定

無人捫虱對桓公

願得論悲辛大塊方噫氣何辭鼓青蘋斯言儻不合歸

老漢江濱

韻會將與也管鮑事見三卷註曹植求自試表事父尚於榮親呂向註榮親謂爵祿名譽

太平寰宇記舒州宿松縣本漢皖縣地元始中爲松滋縣屬廬江晉武平吳以荊州有松滋縣遂改爲宿松縣左思詩荆軻飲燕市酒酣氣益振史記條侯時東六乘傳會兵滎陽至洛陽見劇孟喜曰七國反吾乘傳至此不自意全又以爲諸侯已得劇孟劇孟今無動吾據滎陽以東無足憂者晉書桓溫入關王猛披褐詣之一面談當世之事捫虱而言旁若無人莊子大塊噫氣其名爲風宋玉風賦風生於地起於青蘋之末

其二

一作書懷重寄張相公

本家

一作本

隴西人先爲漢邊將功畧蓋天地名飛青雲

上苦戰竟不侯當

蕭本作富

年頗惆悵世傳崆峒勇氣激金

風壯英烈遺厥孫百代神猶王十五觀奇書作賦凌相

如龍顏惠殊寵麟閣憑天居

一作侍從承明廬

晚途未云已贈

蹬遭讒毀想像晉末時崩騰胡塵起衣冠陷鋒鏑戎虜

盈

一作荆棘生

朝市石勒窺神州劉聰

一作曜

劫

一作役

天子撫

劍夜吟嘯雄心日千里誓欲斬鯨鯢澄清洛陽水六合

一作

灑霖雨萬物

一作六合

無凋枯我揮一杯水自笑何區

區

繆本作區

因人恥成事貴欲決良圖滅虜不言功飄然

陟一作向方壺惟有安期舄留之滄海隅唐書宗室世系表李氏出自嬴

姓其後有仲翔爲河東太守征西將軍討叛羌於素昌戰沒葬隴西狄道東川因家焉仲翔生伯考隴西河東二郡太守伯考生尚成紀令尚生廣前將軍廣二子長曰當戶次曰敢郎中令關內侯敢生禹禹生丞公河南太守丞公生先蜀郡北平太守先生長宗漁陽丞長宗生君況博士議郎太中大夫況生本郎中侍御史本生次公巴郡太守西夷校尉次公生軌魏臨淮太守司農卿軌生隆長安令積弩將軍隆生艾晉驍騎將軍魏郡太守艾生雍濟北東莞二郡太守雍生二子長曰倫次曰柔北地太守柔生奔前涼天水太守武衛將軍安西亭侯奔生昶涼太子侍講昶生嵩西涼武昭王興聖皇帝云云太白爲興聖皇帝九世孫故以廣爲祖李陵報蘇武書陵先將軍功畧蓋天地義勇冠三軍劉良註先將軍廣也功績謀畧甚大可蓋於天地道德指歸論名

在青雲之上史記李廣嘗與望氣王朔燕語曰自漢擊匈奴廣未嘗不在其中而諸部校尉以下材能不及中人然以擊胡軍功取侯者數十人廣不爲後人然無尺寸之功以得封邑者何也宣吾相不當侯耶且固命也爾雅太平之人仁丹穴之人智大蒙之人信崆峒之人武郭璞註地氣使之然也史記正義括地志云崆峒山在肅州福祿縣東南六十里又云笄頭山一名崆峒山在原州高平縣西百里按通典原州平高縣有崆峒山岷州溢樂縣有崆峒山肅州福祿縣有崆峒山是有三崆峒山也惟岷州漢時屬隴西郡張景陽詩金風扇素節李善註西方爲秋秋主金故秋風曰金風也詩大雅貽厥孫謀世說見子嵩在其中常自神王漢書蜀有司馬相如作賦甚弘麗溫雅楊齊賢曰龍顏惠殊寵言召見之時御手調羹步輦降迎事也劉琨表猥蒙天恩光授殊寵鮑照詩層閣肅天居劉良註高閣肅然天子之居謝靈運詩崩騰永嘉末逼迫太元始呂延濟註崩騰

破壞貌梁書衣冠斃鋒鏑之下老幼粉戎馬之足晉書
孝懷帝紀永嘉五年六月癸未劉曜王彌石勒同寇洛
川王師頻爲所敗死者甚衆丁酉劉曜王彌入京師帝
開華林園門出河陰藕池欲幸長安爲曜等所追及曜
等遂焚燒宮廟逼辱妃后百官士庶死者三萬餘人帝
蒙塵於平陽劉聰以帝爲會稽公左傳右撫劍左援帶
後漢書斯誠雄心尚武之幾先志翫兵之日徐陵冊陳
王九錫文屠猓獠於中原斬鯨鯢於濛汜後漢書時冀
州飢荒盜賊羣起乃以范滂爲清詔使按察之滂登車
攬轡有澄清天下之志左思詩俯仰生容華咄嗟復凋
枯廣雅區區小也史記毛遂曰公等錄錄所謂因人成
事者也十六國春秋勉思良圖自求多福蓬壺蓬萊也
見明堂賦註安期舄已見二卷註又南方草木狀番禺
東有澗澗中生菖蒲皆一寸九節安期生採服仙去但
留王
舄馬

聞謝楊兒吟猛虎詞因有此贈

同州隔秋浦聞吟猛虎詞晨朝來借問知是謝楊兒州

隔秋浦謂同在池州而所隔者祇一秋浦之水也秋浦水在池州府城西南八十里見八卷註

宿清溪主人

清溪在池州詳見二卷註

夜到清溪宿主人碧巖裏簷楹挂星斗枕席響風水月

落西山時啾啾夜猿起

楚辭猿啾啾兮狖夜鳴呂延濟註啾啾猿聲

繫尋陽上崔相渙三首

邯鄲四十萬同日陷長平能迴造化筆或冀一人生

史記

白起越韓魏而攻彊趙北坑馬服誅屠四十餘萬之衆
盡之於長平之下流血成川沸聲若雷遂入圍邯鄲論
衡秦將白起坑趙降卒於長平之下四十萬衆同時皆
死沈炯自長安還至方山愴然自傷詩秦軍坑趙卒遂
有一人生

其二

毛遂不墮井曾參寧

一作不

殺人虛言誤公子投杼惑慈

親白璧雙明月方知一玉真

西京雜記趙有兩毛遂野人毛遂墮井而死客以告

平原君平原君曰嗟乎天喪予矣既而知野人毛遂非平原君客也戰國策曾子處費費人有與曾子同名族者而殺人人告曾子母曰曾參殺人曾子之母曰吾子不殺人織自若有頃焉人又曰曾參殺人其母織尚自

若也頃之一人又告之曰曾參殺人其母懼投杼踰牆而走說文杼機之持緯者也蕭士贇註太白引此自況其遭誣耳

杼音紆

其三

虛傳一片雨枉作陽臺神縱爲夢裏相隨去不是襄王

傾國人

庾信詩何勞一片雨喚作陽臺神舊註此一首恐非上崔相亦恐非太白之作

巴陵贈賈舍人

唐時巴陵郡即岳州也隸江南西道唐書賈至字幼隣擢明經第解

褐單父尉從玄宗幸蜀拜起居舍人知制誥歷中書舍人至德中坐小法貶岳州司馬寶應初召復

故官

賈生西望憶京華
湘浦南遷莫怨嗟
聖主恩深漢文帝

憐君不遣到長沙

史記賈生年少通諸子百家之書文帝召以爲博士起遷一歲中至太中

大夫後亦疏之不用其議乃以爲長沙王太傅賈生既辭往行聞長沙卑濕自以壽不得長又以謫去意不自得及渡湘水爲賦以弔屈原長沙在洞庭湖之南去巴陵又遠五百五十里

李太白集注卷十一

欽定四庫全書

李太白集注卷十二

錢塘 王琦 撰

古近體詩共二十五首

贈別舍人弟臺卿之江南

按舊唐書永王璘傳云璘以薛繆李臺卿蔡珣

為謀主其即此臺卿歟太白之見
辟於永王璘想斯人為之累也

去國客行遠還山秋夢長
梧桐落金井一葉飛銀牀
覺

罷攬明

繆本作
把朝

鏡鬢毛颯已霜良圖委蔓草古貌成枯

桑欲道心下事時人疑夜光因為洞庭葉飄落之

一作流浪

至瀟湘令弟經濟士

一作才

謫居我何傷

一作出門見我傷

潛虬

隱尺

一作斗

水著論談興亡客

一作玄

遇王子喬口傳不死

方入洞過天地登真朝玉皇吾將撫爾背揮手遂翱翔

一作攜手凌蒼蒼

淮南王篇後園鑒井銀作牀金瓶

素綆汲寒漿度肩吾

詩銀牀落井桐韻會井幹井上木

欄也其形四角或八角又謂之銀牀皆井欄也史記明

月之珠夜光之璧以闇投人於道路人無不按劍相眦

者何則無因而至前也楚辭洞庭波兮木葉下謝靈運

詩末路值令弟又詩潛虬媚幽姿說文虬龍子有角者

水經註仙人王子喬碑曰王子喬者蓋上世之真人聞

其仙不知興何代也博聞道家或言潁川或言產蒙抱

朴子李少君
有不死之方

醉後贈王歷陽

淮南道有歷陽縣
隸和州歷陽郡

書禿千兔毫詩裁兩牛腰筆蹤

蕭本作縱

起龍虎舞袖拂雲

霄雙歌

一作寄

二胡姬更奏

一作唱

遠清朝舉酒挑朔雪從

君不相饒

晉書雖禿千兔之翰聚無一毫之筋蘇頌曰
詩裁兩牛腰言其卷大如牛腰也梁武帝書

評王右軍字勢雄強如龍跳天門虎卧鳳闕故歷代寶
之永以為訓甯戚歌清朝飯牛至夜半清朝猶清晨也

鮑照詩日月
流邁不相饒

贈歷陽褚司馬時此公為稚子舞故作是詩也

本

缺此
五字

北堂千萬壽侍奉有光輝先同稚子舞更著老萊衣因

為小兒啼醉倒月下歸人間無此樂此樂世中稀

藝文類聚

列士傳曰老萊子孝養二親行年七十嬰兒自娛著五色采衣嘗取漿上堂跌仆因卧地為小兒啼或弄鳥鳥

於親側

對雪醉後贈王歷陽

有身莫犯飛龍鱗有手莫撚猛虎鬚君看昔日汝南市
白頭仙人隱玉壺子猷聞風動窗竹相邀共醉盃中綠

歷陽何異山陰時白雪飛花亂人目君家有酒我何愁

客多樂酣秉燭遊謝尚自能鸚鵡舞相如免脫鸛鷄裘

清晨鼓棹

一作興罷

過江去千里相思明月樓

一作他日西看却月樓

莊子疾走料虎頭編虎鬚幾不免虎口哉神仙傳壺公者不知其姓名汝南費長房為市掾忽見公從遠方來入市賣藥常懸一空壺於屋上日入之後公跳入壺中入莫能見惟長房樓上見之知非常人乃日日自掃公座前地及供饌物公受而不辭積久長房猶不憚亦不敢有所求公知長房篤信謂長房曰至暮無人時更來長房如其言即往公語房曰見我跳入壺中時卿便可效我跳自當得入長房依言果不覺已入入後不復是壺惟見仙宮世界樓觀重門閣道公左右侍者數十人公語房曰我仙人也昔處天曹以公事不勤見責因謫

人間耳卿可教故得見我王子猷居山陰夜大雪眠覺
開室命酌酒詳見九卷註王僧孺詩半飲杯中綠古詩
晝短苦夜長何不秉燭遊晉書王導辟謝尚為掾始到
府通謁導以其有勝會謂曰聞君能作鸛鵒舞一坐傾
想寧有此理否尚曰佳便著衣幘而舞導令坐者撫掌
擊節尚俯仰在中旁若無人西京雜記司馬相如以所
著鸛鵒裘就市人楊昌貰酒陶潛詩鼓棹路崎曲吳均
詩相思自有處春風明月樓太平寰宇記江陵縣湘東
苑有明月樓顏之推詩云屢陪明月宴將軍扈義所
造又鮑照吳歌夏口樊城岸曹公却月樓鵠音育

贈宣城宇文太守兼呈崔侍御

唐時宣州亦謂之宣城郡隸江南西

道今之寧國府也

白若白鷺鮮清如清唳蟬受氣有本性不為外物遷飲

水箕山上食雪首陽巔迴車避朝歌掩口去盜泉岩堯

廣成子倜儻魯仲連卓絕二公外丹心無間然隋書食貨志是

歲翟雉尾一值十練白鷺鮮半之登封縣志箕山在縣東南二十五里高大四絕其形如箕山北為黃城許由

隱處也又名許由山潁水自山陰東流而去世稱箕潁虛巖幽登茂草平林即當盛暑亦無炎蒸之氣旁為棄

瓢巖昔許由隱箕潁間以手掬水飲之人遺一瓢得以操飲飲訖挂木上風吹歷歷有聲由以為煩棄之巖下

故名棄瓢巖洗耳泉在其西元和郡縣志首陽山在河南府偃師縣西北二十五里太平寰宇記首陽山在偃

師縣西北三十五里阮籍詩云步出上東門北望首陽峯下有採薇士上有嘉樹林山上有夷齊祠詩國風采

苓采苓首陽之巔食雪事無考漢書邑號朝歌墨子迴車晉灼曰紂作朝歌之音朝歌者不時也顏師古曰朝

歌殿之邑名也淮南子云墨子非樂不入朝歌水經註
盜泉出卞城東北卞山之陰尸子曰孔子至於勝母暮
矣而不宿於盜泉渴矣而不飲惡其名也故論語撰考
識曰水名盜泉仲尼不飲即斯泉矣淮南子魯子立廉
不飲盜泉廣成子魯仲連俱見二卷註皆光喻其品之
高邁個儻美其才之不羈三國志管寧德行卓絕海內
無偶
喉音例 昔攀六龍飛今作百鍊鉛懷恩欲報主投佩向

北燕彎弓綠弦開滿月不憚堅閒騎駿馬獵一射兩虎
穿回旋若流光轉背若雙鳶胡虜三嘆息兼知五兵權
鎗鎗突雲將却掩我之妍多逢勦絕兒先著祖生鞭據
鞍空矍鑠壯志竟誰宣蹉跎復來歸憂恨坐相煎無風

難破浪失計長江邊危苦惜顏光金波忽三圓時遊敬

亭上閒聽松風眠或弄宛溪月虛舟信洄沿顏公二

本

作三十萬盡付酒家錢興發每取之聊向醉中仙過此無

一事靜談秋水篇

六龍已詳八卷註百鍊鉛言其柔鉛性不能剛經百鍊則益柔矣袁叔詩

投佩出甘泉呂延濟註投佩謂去官也虞世南詩綠沈明月弦張華詩騰超如激電回旋如流光白帖後魏托跋翰從太宗游白登東北有雙鳶飛鳴於上太宗命左右射之莫能中鳶旋飛稍高翰因而自射之二箭下雙鳶太宗嘉之賜御弓矢以旌之號曰射鳶都尉鄭康成周禮註鄭司農云五兵者戈殳戟酋矛夷矛又云車之五兵鄭司農所云者是也步卒之五兵則無夷矛而有弓矢晉書劉琨與祖逖為友聞逖被用與親舊書曰吾

枕戈待旦志果逆虜常恐祖生先吾著鞭其意氣相期
如此後漢書馬援披甲上馬據鞍顧盼以示可用帝笑
曰嬰鑠哉是翁也宋書宗慤曰願乘長風破萬里浪李
嶠詩窮紀送顏光漢書月穆穆以金波顏師古註言月
光穆穆若金之流波也李善文選註宣城郡圖經曰敬
亭山在宣城縣北十里南史陶弘景特愛松風庭院皆
植松每聞其響欣然為樂一統志宛溪在寧國府城東
源出嶧陽山其流清澈陶潛詩虛舟縱逸棹謝靈運詩
水涉盡洄沿洄逆水而上也沿順水而下也宋書顏延
之在尋陽與陶潛情款後為始安郡經過日日造潛每
往必酣飲致醉臨去留二萬錢與潛潛
悉送酒家稍就取酒莊子有秋水篇 君從九卿來水

國有豐年魚鹽滿市井布帛如雲烟下馬不作威水壺
照清川霜眉邑中叟皆美太守賢時時慰風俗往往出

東田竹馬數小兒拜迎白鹿前含笑問使君日一作早晚

可迴旋遂

一作還

歸池上酌掩抑清風絃曾標橫浮雲

一作作

游雲

下撫謝眺肩樓高碧海出樹古青蘿懸

唐以太常先祿衛尉

宗正太僕大理鴻臚司農太府為九卿見通典顧延年
詩水國周地險雲烟多貌陳植詩文錢百億萬采帛若
烟雲鮑照詩清如玉壺永陸機詩清川含藻影謝眺為
宣城太守有游東田詩後漢書郭伋為并州牧始至行
部到西河美稷有童兒數百各騎竹馬道次迎拜伋問
兒曹何自遠來對曰聞使君到喜故迎伋辭謝之及事
訖諸兒復送至郭外問使君何日當還伋謂別駕從事
計日當告之行部既還先期一日伋為違信於諸兒遂
止於野亭須期乃入藝文類聚謝承後漢書曰鄭弘為
臨淮太守行春有兩白鹿隨車夾轂而行弘怪問主簿

黃國鹿為吉士國拜賀曰聞三公車輻畫作鹿明府當
為宰相後弘果為太尉謝朓詩已有池上酌復此風中
琴李周翰註池上酌謂酌酒池上也
蕭士贇曰曾標言其標致之高也
光祿紫霞盃伊昔

忝相傳良圖掃沙漠別夢繞旌旃富貴日成蹊願言杏
無緣登龍有直道倚玉阻芳筵敢獻繞朝策思同郭泰
船何言一水淺似隔九重天崔生何傲岸縱酒復談玄

身為名公子英才苦迤邐鳴鳳托高梧凌風何翩翩安

知慕羣客彈劍拂秋

一作青

蓮

後漢書李膺獨持風裁以聲名自高士有被其容接

者名為登龍門章懷太子註以魚為喻也龍門河水所
下之口在今絳州龍門縣辛氏三秦記曰河津一名龍

門水險不通魚鼈之屬莫能上江海大魚薄集龍門下
數千不得上上則為龍也世說魏明帝使后弟毛曾與
夏侯玄共坐時人謂簾葭倚玉樹左傳士會乃行統朝
贈之以策杜預註策馬撾臨別授之馬撾並示已所策
以展情後漢書郭泰字林宗遊於洛陽始見河南尹李
膺膺大奇之遂相友善於是名震京師後歸鄉里衣冠
諸儒送至河上車數千兩林宗惟與李膺同舟而濟衆
賓望之以為神仙楚辭圓則九重孰營度之王逸註言
天圓而九重孰營度而知之乎十六國春秋子陵誦顏
於光武君平傲岸於蜀肆縱酒縱適而飲酒也史記田
廣與酈生日縱酒晉書苻融談玄論道雖道安無以出
之左思詩英雄有逸適由來自古昔韻會逸適難行不
進之貌馬融廣成頌棲鳳凰於高梧
鮑照詩豈念慕羣客咨嗟戀景沉

贈宣城趙太守悅

趙得寶符盛山河功業存三千堂上客出入擁平原六

國揚清風英聲何喧喧大賢茂遠業虎竹光南藩錯落

千丈松虬龍盤古根枝下無俗草所植惟蘭蓀

史記趙世家簡

子告諸子曰吾藏寶符於常山上先得者賞諸子馳之
常山上求無所得毋卹還曰已得符矣簡子曰奏之母
卹曰從常山上臨代代可取也簡子於是知毋卹賢以
為太子簡子卒毋卹代立是為襄子遂興兵平代地平
原君傳平原君趙勝者趙之諸公子也諸子中勝最賢
喜賓客賓客蓋至者數千人相趙惠文王及孝成王三
去相三復位封於東武城虎竹謂銅虎符竹使符漢時
郡守分其半與之詳見五卷塞下曲註東方朔七諫聞
南藩樂而欲往王逸註南國諸侯為天子藩蔽故稱藩
也此用其字以稱宣城宣城在南藩故曰南藩世說庾

子嵩目和嶠森森如千丈松雖磊砢有節目施之大厦
有棟梁之用沈約詩今守馥蘭蓀劉良註蘭蓀香草也
詩意以千丈松喻平原君蘭蓀喻趙太
守謂英豪之後其子孫自多俊異也 憶在南陽時始

承國士恩公為柱下史脫繡歸田園伊昔簪白筆幽都

逐游魂持斧佐

蕭本作冠

三軍霜清天北門差池宰兩邑鷄

立重飛翻焚香入蘭臺起草多芳言夔龍一顧重矯翼

凌翔鵬赤縣揚雷聲強項聞至尊驚颺摧

蕭本作顏

秀木跡

屈道彌敦出牧歷三郡所居猛獸奔

唐時之南陽郡即鄧州也屬山南東

道戰國策豫讓曰智伯以國士遇臣臣故以國士報之
史記張蒼秦時為御史主柱下方書索隱曰周秦皆有

柱下史謂御史也所掌及侍立恒在殿柱之下故老聃
為周柱下史漢書蒼自秦時為柱下御史通典侍御史
於周為柱下史老聃嘗為之秦時張蒼為御史主柱下
方書亦其任也章懷太子後漢書註武帝置繡衣御史
通典魏置御史八人當大會殿中御史簪白筆側陞而
坐帝問左右此何官何主辛毗曰此為御史舊時簪筆
以奏不法當如今者直備位但聃筆耳淮南子南至交
趾北至幽都漢書天兵四臨幽都先加顏師古註幽都
北方謂匈奴太平寰宇記晉地道記曰幽州因幽都以
為名山海經有幽都之山今列於北荒矣鄭樵爾雅註
幽都即幽州在今燕北史勅寇游魂於北狡賊負險於
南漢書武帝末軍旅數發郡國盜賊羣起繡衣御史暴
勝之使持斧逐捕盜賊以軍興從事誅二千石以下潘
岳詩驅役宰兩邑政績竟無施埤雅鸛性好跂故每立
更不移處所謂鸛立義取諸此漢書御史中丞在殿中
蘭臺掌圖籍秘書外督部刺史內領侍御史通典御史

所居之署後漢以來謂之御史臺亦謂之蘭臺寺謝朓
詩平生一顧重通典大唐縣有赤畿望緊上中下七等
之差京都所治為赤縣京之旁邑為畿縣其餘則以戶
口多少資地美惡為差胡三省通鑑註唐制凡置都其
郭下縣為赤縣餘縣為畿縣通鑑辨誤唐之西京以長
安萬年為赤縣東都以河南洛陽為赤縣後漢書董宣
為洛陽令時湖陽公主蒼頭白日殺人因匿主家吏不
能得及主出行而以奴驂乘宣於夏門亭候之叱奴下
車因格殺之主即還宮訴帝帝使宣叩頭謝主宣不從
強使頓之宣兩手據地終不肯俯帝因敕強項令出荀
子天子者勢位至尊無敵於天下陸機詩驚飈塞反信
李康運命論木秀於林風必摧之陳子昂詩清淨道彌
敦後漢書劉昆遷弘農太守先是崑崙驛道多虎災行
旅不通昆為政三年仁化大行虎皆負子渡河度信詩
昆陽猛獸奔 遷人同衛鶴謬上懿公軒自笑東郭履側慚狐

白溫閒吟步竹石精義忘朝昏顛顚成醜士風雲何足

論獼猴騎士牛羸馬夾雙轅願借義和蕭本景為人照

覆盆溟海不震蕭本蕩何由縱鵬鷗所期要津日蕭本

津倜儻假騰騫左傳衛懿公好鶴鶴有乘軒者杜預註

藩曰軒史記東郭先生以待詔公車貧困饑寒衣敝履

不完行雪中履有上無下足盡踐地道中人笑之東郭

先生應之曰誰能履行雪中令人視之其上履也其履

下處乃似人足者乎王微詩詎憶無衣苦但知狐白溫

呂向註狐白謂狐腋之白毛以為裘也陸機詩玄冕無

醜士三國志註世語曰司馬宣王辟周泰泰頗喪考妣

祖九年居喪宣王留缺待之至三十六日擢為新城太

守宣王為泰會使尚書鍾繇調泰居釋褐登宰府三十

六日擢麾蓋守兵馬郡乞兒乘小車一何駛乎秦曰誠有此君名公之子少有文采故守吏職獼猴騎土牛又何遲也廣雅曰御謂之義和抱朴子是責三光不照覆盆之內也列子終髮之北有溟海者天池也有魚焉其廣數千里其長稱焉其名爲鯢有鳥焉其名爲鵬翼若垂天之雲其體稱焉世豈知有此物哉大禹行而見之伯益知而名之夷堅聞而識之古詩何不策高足先據要路津呂向註要路津謂仕宦居要職者亦如進高足居於要津則人出入由之廣韻騫飛舉貌

贈從弟宣州長史昭

按宣州在唐爲上州上州之長史爲從五品官

淮南

一作北

望江南千里碧山對我行倦

一作盡

過之半落

青天外宗英佐雄郡水陸相控帶長川豁中流千里瀉

吳會居心亦如此包納無小大搖筆起風霜推誠結仁
愛訟庭垂桃李賓館羅軒蓋何意蒼梧雲飄然忽相會
才將聖不偶命與時俱背獨立山海間空老聖明代知

音不易得撫劍增感慨

繆本作聚

當結九萬期中途莫先退

唐時之淮南道江南道皆古揚州之境中隔一江江之
北為淮南江之南為江南漢書河間賢明禮樂是修為
漢宗英三國志孫賁傳時策已平吳會二郡又朱桓傳
使部伍吳會二郡知吳會者是吳郡與會稽也然此詩
所稱吳會專指吳地而言蓋在春秋戰國時為吳會在
秦漢為會稽郡後又分為吳郡合而言之曰吳會也歸
藏啟筮曰有白雲出自蒼梧入於大梁莊子搏扶搖羊
角而上者九萬里吳會之會古外切音膾相會之會

音本

於五松山贈南陵常贊府

南陵縣唐時隸江南西道之宣州一統志五松

山在池州銅陵縣南五里銅陵在唐為南陵縣之銅官治南唐時始分置銅陵縣隸昇州宋改隸池

州容齋隨筆唐人呼縣丞為贊府

為草當作蘭為木當作松蘭幽

繆本作秋

香風遠松寒不改

容松蘭相因依蕭艾徒丰茸難與難並食鸞與鸞同枝

揀珠去沙礫但有珠相隨遠客投名賢真堪寫懷抱若

惜方寸心待誰可傾倒虞卿棄趙相便與魏齊行海上

五百人同日死田橫當時不好賢豈傳千古名願君同心人於我少留情寂寂還寂寂出門迷所適長缺歸來

乎

繆本作長劍歸來一作長劍歌歸來

秋風思歸客

謝靈運詩蒲杼相因依長門賦羅丰

茸之遊樹李善註丰茸衆飾貌說文礫小石也謝靈運詩歡娛寫懷抱史記范雎傳秦昭王遣趙王書曰范君之仇魏齊在平原君之家王使人疾持其頭來不然吾舉兵而伐趙趙孝成王乃發卒圍平原君家急魏齊夜亡出見趙相虞卿虞卿度趙王終不可說乃解其相印與魏齊亡又田儼傳漢滅項籍立為皇帝田橫與其徒屬五百餘人入居海島中高帝聞之以為田橫兄弟本定齊齊人賢者多附焉今在海中不收恐後為亂乃使使赦田橫罪而詔之橫乃與其客二人乘傳詣洛陽未至三十里至尸鄉廐置自剄令客奉其頭從使者馳奏

之高帝為之流涕拜其二客為都尉發卒二千人以王者禮塋田橫既塋二客穿其塚旁孔皆自勁下從之高帝聞之乃大驚以田橫之客皆賢吾聞其餘尚五百人在海中使使召之至則聞田橫死亦皆自殺於是乃知田橫能得士也戰國策齊人有馮煖者貧乏不能自存使人屬孟嘗君願寄食門下左右以君賤之也食以草具居有頃倚柱彈其劍歌曰長鋏歸來乎食無魚孟嘗君曰食之比門下之客居有頃復彈其劍歌曰長鋏歸來乎出無車孟嘗君曰為之駕比門下之車客後有頃復彈其劍缺歌曰長鋏歸來乎無以為家孟嘗君使人給其食用無所乏
聿音戎磔音力

自梁園至敬亭山見會公談陵陽山水兼期同游

因有此贈

一統志梁園在開封府城東南一名梁苑漢梁孝王游賞之地敬亭山在寧國

府城北十里江南通志陵陽山自石埭縣西北迤
邐而來三峯連亘東接宣州西二峯下有黃鶴池
昔實子明跨鶴飛昇於此
有丹池即子明鍊丹處

我隨秋風來瑶草恐衰歇中途寡名山安得弄雲月渡
江如昨日黃葉向人飛敬亭懷素尚弭棹流清輝冰谷
明且秀陵巒抱江城粲粲吳與史衣冠耀天京水國饒
英奇潛光卧幽草會公真名僧所在即為寶開堂振白
拂高論橫青雲雪山掃粉壁墨客多新文為余話幽棲
且述陵陽美天開白龍潭月映清秋水黃山望石柱突

兀誰開張

一作白柱插星漢西崖誰開張

黃鶴久不來子安在蒼茫東

南安可窮山鳥飛絕處

繆本作山鳥絕飛處一作隸款絕行處

稠疊千萬

峰相連入雲去聞此期振策歸來空閑闌相思如明月

可望不可攀何當移白足早晚凌蒼山且寄一書札令

予解愁顏

江淹詩瑤草正翕施張載詩下車如昨日江淹詩弭棹阻風雪李善註弭止也范雲詩傳

山饒靈異水國富英奇後漢書高山四皓有園公夏黃公潛先隱耀世嘉其高十六國春秋佛圖澄天竺人也本姓帛氏少出家清真務學誦經數百萬言石虎傾心事澄乃下書曰和尚國之大寶榮爵不加高祿不受榮祿匪顧何以旌德法華經手執白拂侍立左右雪山掃粉壁謂畫雪山於粉壁之上墨客多新文謂文墨之客

多以新文贊美之會公益工於繪事者也宋書幽棲宮
谷外緣兩絕楊齊賢曰白龍潭在宣州世傳甯子明棄
官學道釣得白龍放之於此因名白龍潭江南通志黃
山在徽州歙縣西北二百八十里寧國府太平縣南三
十里山當二郡之界高一千三百七十丈盤互三百里
舊名黟山唐天寶間勅改今名以圖經稱為軒轅樓真
之所故也上多古木靈藥其泉香美清溫冬夏不變沐
浴飲之百疾皆愈有三十六峯三十六泉石柱山在寧
國府旌德縣西六十里雙石挺立而一巨石承之名豹
子尖列仙傳陵陽子明者鉅鄉人也好釣魚於旋溪釣
得白龍子明懼解釣拜而放之後得白魚腹中有書教
子明服食之法子明遂上黃山採五石脂沸水而服之
三年龍來迎去止陵陽山上百餘年山去地千餘丈大
呼山下人令上山半告言溪中子安當來問子明釣車
在否後二十餘年子安死人取葬石山下有黃鸝來棲
其塚還樹鳴呼子安云陸機詩振策涉崇丘按轡遵平

莽張銑註振舉也策鞭也法苑珠林前魏太武時沙門
曇始甚有神異常坐不卧五十餘年足不涉履跣行泥
穢中奮足便淨色白如面俗呼曰白足阿練古詩客從
遠方來遺我一書札張銑註札筆也琦按顏師古漢書
註札木簡之薄小者也古時未有
紙故書於札以為筆者恐未是

贈友人三首

蘭生不當戶別是閒庭草夙被霜露欺紅榮已先老謬
接瑤華枝結根君王池顧無馨香美叨沐清風吹餘芳

若可佩卒歲長相隨

陳琳詩嘉木凋綠葉芳草殲紅榮
楚辭折疎麻兮瑤華王逸註瑤華

玉華也古詩冉冉孤生竹結根秦
山阿史記優哉游哉維以卒歲

其二

袖中趙匕首買自徐夫人玉匣閉霜雪經燕復歷秦其事竟不捷淪落歸沙塵持此願投贈與君同急難

一作歲寒

荆卿一去後壯士多摧殘長號易水上為我揚波瀾鑒

井當及泉張帆當濟川廉夫惟重義駿馬不勞鞭人生

貴相知何必金與錢

史記太子豫求天下之利匕首得趙人徐夫人匕首取之百金乃裝

為遣荆卿索隱曰徐姓夫人名謂男子也餘詳四卷結客少年場註西京雜記高祖斬白蛇劍刃上常如霜雪

其三

慢世薄功業非無胸中畫譔浪萬古賢以為兒童劇立

產如廣費匡君懷長策但苦北山寒誰知道南宅歲酒

上逐風霜鬢兩邊白蜀主思孔明晉家望安石時來

蕭本

作人列五鼎談笑期一擲虎伏避胡塵漁歌游海濱敝裘

恥妻嫂長劍託交親夫子秉家義羣公難與鄰莫持西

江水空許東溟臣他日青雲去黃金報主人

嵇康司馬相如贊長

卿慢世越禮自放詩國風謔浪笑傲三國志孫策與周
瑜同年獨相友善瑜推道南大宅以舍策升堂拜母有
無通共梁元帝詩灘聲下灘石猿鳴上逐風又云長條
垂拂地輕花上逐風諸葛孔明詳見九卷註謝安石詳

見七卷註劉孝標辨命論開東閣列五鼎漢書音義張晏曰五鼎食牛羊豕魚麋也諸侯五卿大夫三戰國策燕秦說秦王說十上而說不行墨貂之裘敝去秦而歸至家妻不下絰嫂不為炊父母不與言長劍托交親用馮煖事詳見本卷註莊子莊周家貧往貸粟於監河侯曰諾我將得邑金將貸子三百金可乎莊周曰周昨來有中道而呼者周顧視車轍中有鮒魚焉周問之曰鮒魚來子何為者耶對曰我東海之波臣也君豈有升斗之水而活我哉周曰諾我且南游吳越之王激西江之水而迎子可乎鮒魚忿然作色曰吾失我常與我無所處吾得升斗之水然活耳君乃言此曾不如早索我於枯魚之肆

陳情贈友人

延陵有寶劍價重千黃金觀風歷上國暗許故人深歸

來挂墳松萬古知其心懦夫感達節壯士激青衿

繆本作壯

氣激素衿

鮑生薦夷吾一舉致齊相斯人無良朋豈有青雲

望臨財不苟取推分固辭讓後世稱其賢英風邈難尚

論交但若此有

當作友

道孰云喪多君騁逸藻掩映當時

人舒文振頽波秉德冠彝倫卜居乃此地共井為比隣

清琴弄雲月美酒娛冬春薄德中見捐忽之如遺塵英

豪未豹變自古多艱辛他人縱以疎君意宜獨親奈何

成離居相去復幾許飄風吹雲霓蔽目不得語投珠冀

有

蕭本作相

報按劍恐相拒所思采芳蘭欲贈隔荆

一作修

渚

沉憂心若醉積恨淚如雨願假東壁輝餘光照貧女

新序

延陵季子將西聘晉帶寶劍以過徐君徐君觀劍不言而色欲之季子為有上國之使未獻也然其心許之矣致使於晉顧返而徐君死於楚於是脫劍致之嗣君從者止之曰此吳國之寶非所以贈也延陵季子曰先日吾來徐君觀吾劍不言而其色欲之吾為有上國之使未獻也雖然吾心許之矣今死而不進是欺心也愛劍偽心廉者不為也遂脫劍致之嗣君嗣君曰先君無命孤不敢受劍於是季子以劍帶徐君墓樹而去徐人嘉而歌之曰延陵季子兮不忘故脫千金之劍兮挂墳墓鮑照詩我方歷上國詩國風青青子衿毛傳曰青衿青領也學子之所服史記管夷吾者潁上人也少時嘗與鮑叔牙游鮑叔牙知其賢管仲貧困嘗欺鮑叔鮑叔終

善遇之不以爲言已而鮑叔事齊公子小白管仲事公子糾及小白立爲桓公公糾死管仲因爲鮑叔進管仲管仲既用任政於齊齊桓公以霸九合諸侯一匡天下管仲曰吾始因時常與鮑叔賈分財利多自與鮑叔不以我爲貪知我貧也徐勉詩壯思如泉湧逸藻似雲翔顏延年詩舒文廣國華張銑註舒其文章周禮大司徒職云五家爲比遂人職云五家爲鄰鄭玄註鄭司農云田野之居其比伍之名與國中異制故五家爲鄰玄謂異其名者示相慶耳釋名五家爲伍以五爲名也又謂之鄰鄰連也相連接也又曰比相親比也漢書徙入舍祭寘請比鄰周易君子豹變古詩同心而離居離騷飄風屯其相離兮帥雲霓而來御王逸註回風爲飄飄風無常之風以興邪惡之象也雲霓惡氣也以喻佞人史記明月之珠夜光之璧以闇投人於道路人無不按劍相眄者何則無因而至前也陸機詩沉憂萃我心張銑註沉深也詩國風行邁靡靡中心如醉魏武帝詩惋

嘆淚如雨列女傳齊女徐吾者齊東海上貧婦人也與
鄰婦李吾之屬會燭相從夜績徐吾最貧而燭數不屬
李吾謂其屬曰徐吾燭數不屬請無與夜徐吾曰一室
之中益一人燭不為暗損一人燭不為明何愛東壁之
餘光不使貧女得蒙見愛之恩長為妾役之事使諸君
常有惠施於妾不亦可乎李吾莫能應遂復與夜終無
後言

贈從弟冽

楚人不識鳳重

一作高

價求山雞獻主昔云是今來方覺

迷自居漆園北

蕭本作地

父別

蕭本作識

咸陽西風飄落日去節

變流鶯啼桃李寒未開幽闌豈來蹊逢君發花萼若與

青雲齊及此桑葉綠春蠶起中閨日出布

繆本作撥穀鳴田

家擁鋤犁顧余乏尺土東作誰相攜傳說降霖雨公輸造雲梯羌戎事未息君子悲塗泥報國有長策成功羞

執珪無由謁明主杖策還蓬蒿他年爾相訪知我在碯

溪

太平廣記楚人有擔山雞者路人問曰何鳥也擔者欺之曰鳳凰也路人曰我聞鳳凰久矣今真見之汝

賣

之乎曰然乃酬千金弗與請加倍乃與之方將獻楚

王

經宿而鳥死路人不得恤其金惟恨不得以獻王國

人

傳之咸以為真鳳而貴宜欲獻之遂聞於楚王王感

其

欲獻已也召而厚賜之過買鳳之價十倍出笑林太

平

寰宇記漆園城在曹州冤句縣北五十里莊周為吏

之

所城北有莊周釣臺又濠州定遠縣有漆園在縣東

三十里其地東西南北約方三百步唐天寶中尚有漆樹一二十株野火燔燒其樹在故縣村西一百步即楚國莊周為吏之處今為隴畝一統志漆園在鳳翔府定遠縣東三十里即莊生為吏之處又云漆園城在山東曹縣西北五十里莊生為漆園吏即此又云漆園城在大名府東明廢縣東北二十里今名漆園村內有莊子廟蓋莊周為吏之所據二書漆園有三此所云者當指曹州漆園也史記桃李不言下自成蹊何遜詩伊我念幽關夫君思賢務謝瞻詩花萼相光飾呂延濟註花萼喻兄弟也禽經鳴鳩戴勝布穀也張華註揚雄曰鳩戴勝生樹穴中不巢生爾雅曰鷦鷯戴勝即首上勝也頭上尾起故曰戴勝農事方起此鳥飛鳴於桑間云五穀可布種也故曰布穀又云此鳥鳴時耕事方作農人以為候廣韻鋤田器也犁墾田器也尚書平秩東作孔安國傳歲起於東而始就耕謂之東作漢書方東作時應劭註東作耕也顏師古註春位在東耕者始作故曰

東作尚書說命若歲大旱用汝作霖雨淮南子公輸天下之巧士作雲梯之械設以攻宋高誘註雲梯攻城具高長上與雲齊故曰雲梯左傳使吾子辱在泥塗以笑呂氏春秋得伍員者爵執圭高誘註周禮侯執信圭言爵之為侯也又高誘淮南子註楚爵功臣賜以圭謂之執圭比附庸之君也漢書遷為執珪張晏註侯伯執珪以朝位比之後漢書遂杖策歸鄉里水經註礪溪中有泉謂之茲泉泉水渾穢自成淵渚即呂氏春秋所謂太公釣茲泉也今人謂之凡谷石壁深高幽篁邃密林嶂秀阻人跡罕及東南隅有石室蓋太公所居也水流次平石釣處即太公垂釣之所其投竿跪餌兩膝遺跡猶存是有礪溪之稱也其水清冷神異北流十二里注於渭通典扶風郡號縣有礪溪

太公釣魚於此

礪音盤

贈閭丘處士

賢人有素業乃在沙塘陂竹影掃秋月荷衣霏玉本落

古池間讀山海經散帙卧遙帷且耽田家樂遂曠一作廣

林中期野酌勸芳酒園蔬烹露葵如能樹桃李為我結

茅茨

江南通志沙塘陂在宿松城外唐閻丘處士築別業於此李太白有詩贈之云云吳越春秋禹巡行

四瀆與益夔共謀行到名山大澤召其神而問之山川脈理金玉所有鳥獸昆蟲之類及八方之民俗殊國異域土地里教使益疏而記之名之曰山海經謝靈運詩散帙問所知劉良註散帙謂開書帙也說文帙書衣也按古時書卷必有帙包之如裏袂之類或以細竹為簾槩以薄繒藏古書畫家尚存此製江淹詩汎琴卧遙帷宋玉諷賦炊雕胡之飯烹露葵之羹爾雅葵古者葵稱露葵今摘葵必待露解語曰觸露不摘葵日中不剪韭

各有宜也按本草葵一名露葵今謂之滑菜古人以為
常饌四時皆可食六七月種者為秋葵八九月種者為
冬葵正二月種者為春葵有紫莖白莖二種大葉小花
花紫黃色其實大如指頭皮薄而扁今人不復食種者
亦鮮漢書茅茨不剪顏師古註屋蓋曰茨茅茨以茅覆
屋也釋名屋以草蓋曰茨茨次也次草為之也 帙音
姪

贈錢徵君少陽

一作送趙雲卿

白玉一盃酒綠陽三月時春風餘幾日雨鬢各成絲兼

燭惟須飲投竿也未遲如逢渭水

許本作川

獵猶可帝王師

古詩晝短苦夜長何不秉燭游投竿謂投竿於水而釣
也周文王獵於渭水之陽遇太公望載與俱歸立為師

見四卷註楊齊賢曰少陽年八十餘故方之太公

贈宣州靈源寺仲繆本濬公

作冲

敬亭白雲氣秀色連蒼梧下映雙溪水如天落鏡湖此

中積龍象獨許濬公殊風韻逸江左文章動海隅觀作一

了心同水月解領得明珠今日逢支遁高談出有無敬亭

山蒼梧白雲已見本卷註一統志雙溪在寧國府城下
二水合流釋子中能負荷大法者謂之龍象翻譯名義
大論云那伽或名龍或名象是五千阿羅漢諸羅漢中
最大力以是故言如龍如象水行中龍力最大陸行中
象力最大中阿含經佛告鄒陀夷若沙門等從人至天
不以身口意害我說彼是龍象胡三省通鑑註江鄆陽

南徐之地為江左豫南兗南豫之地為江右通雅金陵
居長江下流前朝有江南者皆都之據金陵而言則江
南居左尚書海隅日出罔不率俾水月謂水中月影非
有非無了不可執慧者觀心亦復如是解頴解悟也明
珠喻菩提大道也晉書沙門支遁以清談著名於時風
流勝貴莫不崇敬以為造微之功足參諸正始僧肇維
摩詰經註不可得而有不可得而無者其惟大乘行乎
欲言其有無相無名欲言其無萬德斯行萬德斯行故
雖無而有無相無名故雖有而無然則言有不乖無言
無不乖有或說有行或說無行有無雖殊其致一也

濬音
峻

贈僧朝美

水客凌洪波長鯨湧溟海百川隨龍丹噓吸

作繆本
翕

竟安

在中有不死者探得明月珠高價傾宇宙餘輝照江湖
苞卷金縷褐蕭然若空無誰人識此寶竊笑有狂夫了

心何言說各勉黃金軀

吳都賦長鯨吞航修鯢吐浪劉涓子注異物志曰鯨魚長者數

千里小者數十丈雄曰鯨雌曰鯢或死於沙上得之者皆無目俗言其目化為明月珠水經注北眺巨海杳冥無極天際兩分白黑方別所謂溟海者也海賦魚則橫海之鯨突兀孤遊茹鱗甲吞龍丹喻波則洪連蹶踏吹滂則百川倒流淮南子龍舟鷁首浮吹以娛高誘註龍舟大舟也刻為龍文以為飾也隋書波斯多金縷織成枵嚴經汝之心靈一切明了若汝現成所明了心實在身內謝朓詩遂鑠黃金軀陳子昂詩之子黃金軀如何此荒域詩言水客泛舟大海舟為長鯨所噬吸遂遭溺沒其中乃有不死者反於海中得明月之珠卷而藏

之不自眩耀人亦不識以喻人在煩惱海中為一切嗜
慾所汨沒醉生夢死飄沉無極乃其中有不昧本來者
反於煩惱海中悟得如來法寶其價則傾予宇宙其光
則照乎江湖卷而懷之不自以為有而若空無者然人
皆不能識此寶而惟我能識之夫心既明了更無言說
可以酬對惟有勸勉珍重此軀而已蓋人身難得六道
之中以人道為最是此軀之重等於黃金未可輕忽故
曰各勉黃金軀也又按後漢書西方有神名曰佛其形
長丈六尺而黃金色各勉黃金
軀者是勉以修道成佛之意

贈僧行融

梁有繆本湯惠休常從鮑照游裁眉史懷一獨映陳公

作日本

出卓絕二道人結交鳳與麟行融亦俊發吾知有英骨

海若不隱珠驪龍吐明月大海乘虛舟隨波任安流賦

詩旃檀閣縱酒鸚鵡洲待我適東越相攜上白樓宋書時有

沙門釋惠休善屬文辭采綺艷徐湛之與之厚善世祖命使還俗本姓湯位至揚州從事史鮑照有秋日示休

上人及答休上人陸餘慶殿中侍御史畢構監察御史王無固鳳閣舍人陸餘慶殿中侍御史畢構監察御史王無

競亳州長史房融右史崔泰之處士郭襲微道人史懷一皆篤歲寒之交崔顥贈懷一上人詩法師東南秀世

實豪家子削髮十二年誦經我唱裏是史懷一為我唱僧也三國志管寧德行卓絕海內無偶西京賦海若游

乎玄渚薛綜註海若海神也莊子夫千金之珠必在九重之淵而驪龍頷下陸德明註驪龍黑龍也謝靈運詩

溟漲無端倪虛舟有超越李周翰註輕舟而進曰虛舟沈佺期香山寺詩旃檀曉閣金輿度鸚鵡晴林綵仗分

元和郡縣志鸛鵲洲在鄂州江夏縣西南二里東越即會稽也施宿會稽志府城卧龍山南舊傳有白樓亭今遺址無所考詩用支道林事詳見十卷贈僧崖公註 鵲音離

贈黃山胡公求白鵬

并序 張華禽經註白鵬似山雞而色白行止閒暇黃山

志白鵬性耿介難畜雄米而文素角玄英二角壯時隆起出英上有時靡縮蓋因氣鼓而後壯也觜爪皆赤其羽末黑文如洒戕若緣聚又如界地錦惟尾按二莖無緇文斑如也志中亦載李白向黃山胡公求白鵬事以胡公名暉未詳何據存之以廣異聞

聞黃山胡公有雙白鵬蓋是家雞所伏自小馴狎了

無驚猜以其名呼之皆就掌取食然此鳥耿介尤難

畜之予平生酷好竟莫能致而胡公輟贈於我惟求
一詩聞之欣然適會宿意因援筆三叫文不加點以

贈之

郭璞爾雅註以筆減字為點南史劉儒
嘗在御座為李賦受詔便成文不加點

請以雙白璧買君雙白鷗白鷗白如錦白雪恥容顏照

影玉潭裏刷毛琪樹間夜棲寒月靜朝步落花間我願

得此鳥翫之坐碧山胡公能輟贈籠寄野人還

孔穎達
禮記正

義素錦白錦也白鷗毛羽白質黑邊有似錦文故曰白
如錦虞騫詩泠泠玉潭水山海經崑崙墟之北有琪樹

登敬亭山南望懷古贈竇主簿

敬亭一迴首目盡天南端仙者五六人常聞此游盤谿

流琴高水石聳麻姑壇白龍降陵陽黃鶴呼子安羽化

騎日月雲行翼駕鸞下視宇宙間四溟皆波瀾汰

繆本作決

絕目下事從之復何難百歲落半途前期浩漫漫強食

不成味清晨起長歎願隨子明去鍊火燒金丹

元和郡縣志敬

亭山在宣州宣城縣北十二里即謝朓賦詩之所阮藉
詩仙者四五人逍遙宴蘭房江南通志琴高山在寧國
府涇縣北二十里昔琴高於此山修煉得道故名有隱
雨巖是其控鯉上昇之所巖下有煉丹洞洞旁有釣臺
臺下流水即琴溪也每歲上巳前後數日溪中出小魚
謂之琴魚傳為仙人藥渣所化九域志宣州宣城郡有

花姑山亦謂之麻姑山昔麻姑修道於此上昇有仙壇在焉江南通志麻姑山在寧國府城東三十五里峰巒奇秀作鎮郡東昔麻姑修道於此飈舉有仙壇丹竈劍池石碁枰釣魚臺天游亭諸跡水經註水出陽陵山下徑陵陽縣西為旋溪水昔縣人陽子明釣得白龍處後三年龍迎子明上陵陽山山去地千餘丈後百餘年呼山下人令上山半與語溪中子安問子明釣車所在後二十年子安死山下有黃鶴棲其塚樹常鳴呼子安莊子乘雲氣騎日月而游乎四海之外張協詩雨足洒四溟李善註四溟四海也曹植詩盛年處房室中夜起長歎抱朴子夫金丹之為物燒之愈久變化愈妙黃金入火百鍊不消埋之畢天不朽服此二藥鍊人身體故能令人不老不死一統志丹臺在陵陽山中峰之半平夷可容數人相傳竇子明嘗煉丹其上

經亂後將避地剡中留贈崔宣城
剡中即剡縣唐時為越州會稽

郡之屬邑隸江南東道宣城縣為
宣州宣城郡之屬邑隸江南西道

雙鷺飛洛陽五馬渡江徼何意上東門胡雛更長嘯中
原走豺虎烈火焚宗廟太白晝經天顏陽掩餘照王城
皆蕩覆世路成奔峭四海望長安頰眉寡西笑蒼生疑
落葉白骨空相吊連兵似雪山破敵誰能料我垂北溟
翼且學南山豹崔子賢主人歡娛每相召胡牀紫玉笛
却坐青雲叫楊花滿州城置酒同臨眺忽思剡溪去水
石遠清妙雪畫天地明風開湖山貌悶為洛生咏醉發

吳越調赤霞動金光日足森海嶠獨散萬古意閒垂一
溪釣猿近天上啼人移月邊棹無以墨綬苦求求丹砂

要華髮長折腰將貽陶公誚

晉書五行志孝懷帝永嘉元年二月洛陽東北步廣

里地陷有蒼白二色鷺出蒼者飛翔冲天白者止馬陳留董養曰步廣周之狄泉盟會地也白者金色國之行也蒼為胡象其可盡言乎是後劉元海石勒相繼亂華太安中童謠曰五馬游渡江一馬化為龍後中原大亂宗藩多絕惟瑯琊汝南西陽南頓彭城同至江東而元帝嗣統矣史記索隱張揖云微塞也以木柵水為蠻夷界顏師古漢書註微猶塞也東北謂之塞西南謂之微塞者以障塞為名微者取微遮之義晉書石勒年十四隨邑人行販洛陽倚嘯上東門王衍見而異之顧謂左右曰向者胡雖吾觀其聲視有奇志恐將為天下之患

張載詩季葉喪亂起盜賊如豺虎唐書安祿山陷兩京
宗廟皆焚毀漢書太白經天天下革政孟康註謂出東
入西出西入東也太白陰星出東當伏東出西當伏西
過午為經天晉灼註日陽也日出則星亡晝見午上為
經天文獻通考肅宗至德二載七月巳酉太白晝見經
天至於十一月戊午不見歷秦周楚鄭宋燕之分謝瞻
詩頽陽照通津夕陰暖平陸頽陽落日也藝文類聚桓
譚新論曰關東鄙語曰人聞長安樂出門向西笑後漢
書舉首頽眉之感漢書欲令久連兵無決列女傳南山
有玄豹霧雨七日而不下食者何也欲以澤其毛而成
文章也故藏而遠害王粲詩願我賢主人與天享巍巍
胡三省通鑑註胡牀今謂之交牀其制本自虜來隋惡
胡字改曰交牀唐猶謂之胡牀今之交椅是也十六國
春秋涼州人胡據並發張駿墓得赤玉簫紫玉笛薛方
山浙江通志剡溪在紹興府嵊縣南一名戴溪溪有二
源一出天台一出武義西南流至東陽入剡南北流入

上虞界以達於江晉王徽之雪夜由此漢訪戴逵世說
人問顧長康何以不作洛生咏荅曰何至作老婢聲劉
孝標註洛下書生咏音重濁故云老婢聲釋名山銳而
長曰嶠賈公彦周禮疏漢法丞相中二千石金印紫綬
御史大夫二千石銀印黃綬縣令六百石銅印墨綬南
史陶潛為彭澤令郡遣督郵至縣吏白宜束帶見之潛
嘆曰我不能為五斗米折腰向鄉里小兒即日
解印綬去職賦歸去來以遂其志 徽音教

獻從叔當塗宰陽冰

唐江南西道宣州有當塗縣
宣和書譜李陽冰字少溫趙

郡人官至將作少監善詞章留心小篆迨三十年
初見李斯嶧山碑與仲尼延陵季子字遂得其法
乃能變化開合自名一家推原字學作筆法論以
別其點畫又嘗立說謂於天地山川得其方圓流
峙之形於日月星辰得其經緯昭回之度近取諸
身遠取萬類幽至鬼神情狀細至於喜怒之舒慘

莫不畢載後人不足以明此於是誤謬滋多義理
掃地雖李斯之博雅以東為東蔡邕之知書以豐
作豐故孔壁之餘文汲冢之舊簡所存無幾幸天
未喪斯文宗旨在已其自許慎至是作刊定說文
三十卷以紀其學人指以為蒼頡後身方時顏真
卿以書名世真卿書碑必得陽冰題其額欲以擅
連壁之美蓋其篆法妙天下如此識者以蟲蝕為
跡語其形風行雨集語其勢太阿龍泉語其利嵩
高華岳語其峻實不為過論有唐
三百年以篆稱者惟陽冰獨步

金鏡靈六國亡新亂天經焉知高光起自有羽翼生蕭

曹安峴岼耿賈摧欖櫓吾家有季父傑出聖代英雖無

三台位不借

蕭本作惜

四豪名激昂風雲氣終協龍虎精弱

冠燕趙來賢彥多逢迎魯連善

繆本

談笑季布折公卿

北堂書鈔尚書考靈曜云秦失金鏡魚目入珠註曰金鏡喻明道也漢書王莽以戊辰直定即真天子位定有天下之號曰新後漢書亡新僭漸以即真莊子亂天之經逆物之情蕭何曹參佐漢高以平天下耿弇賈復輔光武以定亂離峴岬不安也詳三卷註中爾雅彗星為櫬槍郭璞註亦謂之孛言其形孛孛如帚彗春秋舍漢孛三公在天法三台九卿法北斗漢書列國公子魏有信陵趙有平原齊有孟嘗楚有春申皆藉王公之勢競為游俠難鳴狗盜無不賓禮皆以取重諸侯顯名天下搢擊而游談者以四豪為稱首周易雲從龍風從虎孔穎達正義龍是水畜雲是水氣故龍吟則景雲出是雲從龍也虎是威猛之獸風是震動之氣亦是同類相感故虎嘯則谷風生是風從虎也禮記二十曰弱冠孔穎達正義二十成人初加冠禮體猶未壯故曰弱也左

太冲詩吾慕魯仲連談笑却秦軍詳見二卷註史記單
于嘗為書嫚吕后吕后大怒召諸將議之上將軍樊噲
曰臣願得十萬衆橫行匈奴中諸將皆阿吕后意曰然
季布曰樊噲可斬也夫高帝將兵四十餘萬衆困於平
城今噲奈何以十萬衆橫行匈奴中面欺且秦以事於
胡陳勝等起今瘡痍未瘳噲又面設欲動搖天下是時
殿上皆恐太后罷朝遂不復議匈奴事
靈音埋橈初銜切拙平聲音同攪槍音撐遙知禮數絕

常恐不合并惕想結宵夢素心久已冥顧慙青雲器謬

奉玉樽傾山陽五百年綠竹忽再榮高歌振林木大笑

喧雷霆落筆灑篆文崩雲使人驚吐辭又炳煥五色羅

華星秀句滿江國高才挾天庭

任昉詩平生禮數絕式瞻在國楨李周翰註禮

數絕謂交道相得雖品命有異不為禮數王粲詩何懼
不合并顏延年詩仲容青雲器江淹詩共惜玉樽暮三
國志註魏氏春秋曰嵇康寓居河內之山陽縣與陳留
阮籍河內山濤河南向秀嵇兄子咸琅邪王戎沛人劉
伶相與友善游於竹林號為七賢按阮籍叔姪與嵇康
為竹林之游不知是何年而康之死在魏景元二年以
後順數而下至唐肅宗上元二年共得五百年竹林之
游相去亦不過在此時博物志薛譚學謳於秦青未窮
青之旨遂辭歸秦青乃餞於鄆衢撫節悲歌聲振林木
響遏行雲鮑照飛白書勢銘輕如游霧重似崩雲昭明
太子錦帶書筆陣引崩雲之勢魏文帝詩丹霞夾明月
華星出雲間上天垂光采五色一何鮮蜀都賦擣藻揆
天庭呂向註揆猶益也
宰邑艱難時浮雲空古城居人
揆舒瞻切閃去聲

若雜草掃地無纖莖惠澤及飛走農夫盡歸耕廣漢水

萬里長流玉琴聲雅頌播吳越還如太階平

說文蘿除草也陳書

兩藩毗廡掃地無遺宋書政事修理惠澤沾被後漢書恩信寬澤仁及飛走詩國風漢之廣矣不可泳思稱漢水曰廣漢本此而非隴西之廣漢郡也當塗之江與漢水殊遠然漢水之下流亦由當塗而過詩意取子賤彈琴而單父治之意謂玉琴之聲與長流萬里漢水之聲相應蓋亦倒裝句法也太階平詳見一卷明堂賦註

蘿音雅又音替

小子別金陵來時白下亭羣鳳憐客鳥差池相

哀

蘿音雅又音替

鳴各拔五色毛意重太山輕贈微所費廣斗

水流長鯨彈劍歌苦寒嚴風起前楹月銜天門曉霜落

牛渚清長嘆即歸路臨川空屏營

圖經白下亭在上元縣北景定建康志舊

志白下亭驛亭也舊在城東門外李白獻從叔當塗宰
陽冰詩曰小子別金陵來時白下亭留別金陵諸公詩
曰五月金陵西祖予白下亭又云驛亭三楊樹正當白
下門按此亭在府西蓋新舊各在一處舊志所指是其
新者耳詩國風燕燕于飛差池其羽鄭箋曰差池其羽
謂張舒其尾翼也苦寒行古清商曲也因行役遇寒而
作元和郡縣志博望山在宣州當塗縣西三十五里與
和州對岸江西岸山曰梁山兩山相望如門俗謂之天
門山山上皆有却月城宋車騎將軍王玄謨所築牛渚
山在宣州當塗縣北三十五里山巽出江中謂之牛渚
圻古津渡處也舊唐書牛渚山一名采石在當塗縣北
三十五里大江中後漢書夙夜屏營章懷太子註屏營
彷徨也屏
府盈切音并

書懷贈南陵常贊府

南陵贊府已見本卷註

歲星入漢年方朔見明主調笑當時人中天謝雲雨一

去麒麟閣遂將朝市乖故交不過門秋草日上階當時
何特達獨與我心諧置酒凌歊臺歡娛未曾歇歌動白

紵山舞迴天門月問我心中事為君前致辭君看我才

能何似魯仲尼大聖猶不過小儒安足悲雲南五月中

頻喪渡瀘師毒草殺漢馬張兵奪秦

蕭本作雲

旗至今西二

一作耳

河流血擁僵屍將無七擒畧魯女惜園葵咸陽天

下

繆本作地

樞累歲人不足雖有數斗玉不如一盤粟賴得

契宰衡持釣慰風俗自顧無所用辭家方未

蕭木作來

歸霜

驚壯士髮淚滿逐臣衣以此不安席蹉跎身

蕭本作因

世違

終當滅衛謗不受魯人譏

太平廣記東方朔未死時謂同舍郎曰天下人無能知朔

知朔者惟太王公耳朔卒後武帝得此語召太王公問之曰爾知東方朔乎對曰不知公何所能曰頗善星厯

帝問諸星皆具在否曰諸星具在獨不見歲星十八年今復見耳帝仰天嘆曰東方朔生在朕旁十八年而不

不知是歲星哉圖經凌歊臺在當塗縣城北黃山上宋武帝南游嘗登此臺因建離宮焉太平寰宇記黃山在

太平州當塗縣西北五里有宋凌歊臺周圍五里一百步高四十丈石碑現存白茅山在當塗縣東五里本

名楚山桓溫領妓游此山奏樂好為白茅歌因改為白茅山天門山已見上首註江淹詩小儒安足為關中之

地古秦地也故謂關中兵旗曰秦旗唐書天寶十載四月壬午劍南節度使鮮于仲通及雲南蠻戰於西洱河敗績大將王天運死之十三載六月劍南節度留後李宓及雲南蠻戰於西洱河死之按西洱河即葉榆河也出雲南大理府之點蒼山匯為巨湖周三百里亦曰西洱海傳云以形如人耳故名三國志註漢晉春秋曰諸葛亮至南中所在戰捷聞孟獲者為夷漢所服募生致之既得使觀於營陣之間問曰此軍何如獲對曰向者不知虛實故敗今蒙賜觀營陣若祇如此即定易勝耳亮笑縱使更戰七縱七擒亮猶遣獲獲止不去曰公天威也南人不復反矣列女傳魯漆室邑之女過時未適人當穆公時君老太子幼女倚柱而齋其鄰人婦從之游謂曰何嘯之悲也子欲嫁耶吾為子求偶漆室女曰嗟乎吾豈為不嫁不樂而悲哉吾憂魯君老太子幼鄰女笑曰此乃魯大夫之憂婦人何與馬漆室女曰不然昔晉客舍吾家繫馬園中馬逸馳走踐吾葵使我終歲

不食葵今魯君老悖太子少愚奸偽日起夫魯國有患者君臣父子皆被其禍禍及衆庶婦人獨安所避乎吾甚憂之子乃曰婦人無與者何哉鄰婦謝曰子之所慮非妾所及三年魯果亂齊楚攻之魯連有寇男子戰鬪婦人轉輸不得休息袁淑詩秦地天下樞李善註樞要也漢書加安漢公號曰宰衡應劭註周公為太宰伊尹為阿衡采伊周之尊以加莽也後人稱宰相為宰衡本此舊唐書天寶十二載八月京城霖雨米貴令出太倉米十萬五減價糶與貧人十三載秋霖雨積六十餘日京城垣屋頽壞殆盡物價暴貴人多乏食令出太倉米一百萬石開場賤糶以濟貧民

歛音罵

贈汪倫

楊齊賢曰白游涇縣桃花潭村人汪倫常醢美酒以待白倫之裔孫至今寶其詩

李白乘舟將欲行忽聞岸上踏歌聲桃花潭水深千尺


不及汪倫送我情

按通鑑唐記閻知微為虜踏歌胡三省註蹋歌者連手而歌蹋地以為節

也一統志桃花潭在寧國府涇縣西南一百里深不可測唐汝詢曰倫一村人耳何親於白既醞酒以候之

復臨行以祖之情固超俗笑太白於景切情真處信手拈出所以調絕千古後人效之如欲問江深淺應如遠

別情語非不佳終是杞柳杯棬



李太白集注卷十二